

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Allaffeqarfimmiit paasissutissiineq
- Imm. 03** Sisimiuni Maniitsumilu Teknikkimut, Pilersuinermit Sanaartornermullu tunngatillugu 2017-imi novembarip 28-ani qaammammut nalunaarussiaq
- Imm. 04** Sisimiuni Qaarinneq-mi iliveqarfissamut nutaamut immikkut aningaasaliissuteqarneq.
- Imm. 05** Sisimiuni maskinanik pisinissamut aningaasaliissutinit atuinissamik allannguissamik innersuussut.
- Imm. 06** Sisimiuni, Kangerlussuarimi, Sarfannguani Itillimilu aserfallatsaaliinermit aningaasaliissutiniq agguataarineq.
- Imm. 07** Illussanik katitigassanik 2018-imi tulleriarinissaq.
- Imm. 08** Bussinik ingerlatsinermit isumaqatigiisummik sivitsuineq, Maniitsoq.
- Imm. 09** Avatangiisinik pitsanngorsaaniissamut aningaasaliissutit.
- Imm. 10** Eqqagassalerinermi pilersaarutip politikikkut akuersissutigineqarnissaanut innersuussut.
- Imm. 11** Avatangiisinut aningaasaateqarfik pillugu Inatsisartut inatsisaannut nr. xx, xx. xxx 2018-imeersumut siunnersuummut tusarniaanermut akissutissatut siunnersuut.
- Imm. 12** Avatangiisinut tapiissutit pillugit siumoortumik akuersissutip atorunnaarsinneqarnera pillugu paasissutissiissut.
- Imm. 13** Nukissiuuteqarnermut imermillu pilersuinermik immikkoortumut pilersaarutip tusarniutigineqarneranut akissuteqaat pillugu paasissutissiineq.
- Imm. 14** 2018-imi Teknikkeqarnermut Aatsitassarsiornermut Avatangiisinullu Ataatsimiititaliap ataatsimiiffissaanik aalajangersaaneq.
- Imm. 15** Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 08.40

**Peqataasut:**

***Siumut***

Frederik Olsen – Sisimiut  
Karl Lyberth – Maniitsoq  
Malik Berthelsen - Sisimiut

***Atassut***

Emilie Olsen – Telefonikkut ataatsimeeqataavoq immikkoortoq 05 ilanngullugu.

***Inuit Ataqtigiit***

Sofie Dorthe R. Olsen – Maniitsoq

Partii Naleraq  
Malene Ingemann - Sisimiut

***Nalunaaruteqarlutik peqataanngitsut:***

Gedion Lyberth - Maniitsoq

***Nalunaaruteqaratik peqataanngitsut***

**Imm. 01 Oqaluuserisassat akuersissutigineri**

Akuersissutineqarpoq.

**Imm. 02 Allaffeqarfimmiit paasissutissiineq**

**Hans Ulrik Skifte – Sisimiut**  
Soqanngilaq.

**Ole Thor - Maniitsoq**

Maniitsumi Teknikkeqarnermut Avatangiisinullu immikkoortortaqarfik sulisunik, ingerlatsinermit aqutsisumik aammalu Avatangiisit pillugit sulisunik amigaateqarpoq.

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 05-ani  
2017 ileqquusumik ataatsimiinnerani imaqarniliaq 08/2017**

**mm. 03 Sisimiuni Maniitsumilu Teknikkimut, Pilersuinermit Sanaartornermullu tunngatillugu  
2017-imi novembarip 28-ani qaammammut nalunaarussiaq**

Journalnr. 06.01.02

**Pissutsit atuuttut**

Atuineq / isertitat atuiffinnut ataasiakkaanut ukiumut tamarmiusumut agguataarneqanngilaq.

Oktobarip qaammataani ataatsimiinnermi missingersuutitigut nuutsinissat ataatsimiititaliamit akuersissutigineqartut sulii naatsorsuutitigut iluarsineqanngillat, taamaattumillu oqimaaqatigiissitsineq eqqortuunani.

**Atuiffik 2 – Teknikkimut tunngasut: Sisimiut - Maniitsoq**

Teknikkimut tunngasut - Sisimiut - Maniitsoq		Missin g:	Tapiissut it	All. nuus s	Akuer s	Atuineq :	Sinneruttu t:	Atuineq:
Atuiffik	Atuiffiup taaguutaa	(1.000 kr)	(1.000 kr)	(1.000 kr)	(1.000 kr)		(1.000 kr)	%-inngorlugu
20	AQQUSERNGIT, IKAARTARFIIT, MAJUARTARFIIT, ATORTULERSUUTIT IL.IL.	5.269	0	800	6.069	3.284.257	2.785	54,1
21	SALIGAATSUUTITSI NEQ APUTAAJAANEQ ILANNGULLUGU	5.895	0	0	5.895	5.158.029	737	87,5
22	PISUUSSUTIT UUMASSUSILLIT	377	0	0	377	125.724	251	33,3
23	KOMMUNIP SULIFFEQARFIUTAI ASSIGIINNGITSUT	3.122	0	0	3.122	2.839.331	283	90,9
24	Inuussutissarsuutitigut illunik pigisanik attartortitsineq	-2.286	0	0	-2.286	-2.261.700	-24	98,9
25	QATSERISARTOQARFIK	4.726	300	0	5.026	4.962.112	64	98,7
27	TEKNIKKIKKUT INGERLATAT ALLAT	9.466	0	0	9.466	6.370.105	3.096	67,3
<b>2</b>	<b>TEKNIKKIMUT TUNNGASUT</b>	<b>26.569</b>	<b>300</b>	<b>800</b>	<b>27.669</b>	<b>20.477.858</b>	<b>7.191</b>	<b>74,0</b>

Sisimiuni Maniitsumilu Teknikkimut tunngatillugu tamakkiisumik missingersuutinit 27.669 mio. koruuninit atuineq 74,0 procentimiippoq.

Atuiffik 20 ima isikkoqarpoq. Kommunip asfalteinerani taamak annikitsigisumik atuisimaneq,

3

asfaltiorfiup ajutooqattaarneranik patsiseqarpoq. Taamaattumik atuiffimmi tassani atuineq annikippoq. Illoqarfimmi qullersuit innaallagissamik atuinerannut akiligassat agguataarneqarnikuupput, taakkunungalu akiligassat 1/3-ii kommunimit akilerneqartarlutik, nukissiorfinniillu 2/3-ii akilerneqartarlutik. Ukiup naanissaanut qaammatini kingullerni pingasuni innaallagissamik atuineq, atuisimanermut ersarinnerusumik takussutissiisaaq.

Atuiffik 2-mi Ilerrit assatassat, toqusut biiliinillu assartuisarneq atuineranut apeqqutaasarput.

Atuiffik 20-p ataani Kuuffissuarnik ingerlatsinermit taamak annikitsigisumik atuisimaneq, kuuffissuarnik ingerlatsineq ingerlalluortoq takussuserpaa.

Ukiuunerani aputaajaasoqartarmat, atuiffik 21-imi atuineq eqqorpoq.

Atuiffik 22: Ukiorpaat ingerlanerini qimminik nalunaarsuineq, ataavartumik akiuussutissanik kapuuisarneq, qimmiliviillu pillugit paasissutissat eqqortut atuiffimmi annikinnerusumik aningaasartuuteqartitsipput.

Atuiffik 23: Ukiup taamaalinerani atuineq eqqorpoq.

Atuiffik 23-02: Illuutiniq nutarterinissamut atuiffimmit Sisimiuni ataatsimoorussamik sannavik nutarterneqarpoq, tamannalu atuineranut malunnaataalluni.

Atuiffik 23-22: Tuniniaavimmi tunisarneq eqqoqqissaangajappoq. Taamaakkaluortoq atuiffiit ataasiakkaat annikitsumik sippuilluni atuiffiusimallutik. Ukiup sinneranut atugassanik pisisimaneq sippuilluni atuisutut isikkoqartitsivoq.

Atuiffik 27: Kangerlussuarmi Sisimiunilu bussinik ingerlatsisunut akiliutissat atuiffimmi tassaniipput.

Akiligassat qaammammut aalajangersimasuusarput, kingumoortumillu akilerneqartarlutik. Taamaalluni oqimaaqatigiissitsinermit matumani akiliutit naatsorsuutini ilaanngillat.

Toqusut biilii nutaat 2017-ip upernaani atulerput, nutaannginnerilli atuineranut sunnuteqarnerullutik.

Atuiffik 27-01 – atortut ingerlasinnaasut, ingammik sannavimmi biilit mikisut, ataatsimut isigalugu nutaanngilisimapput aammalu tassanngaannartumik suliarineqarnissamut pisariaqartitsisarlutik. Tamanna atuiffimmi 27.01-mi atortut angalasinnaasunut atuiffimmi atuivallaarnermit takuneqarsinnaavoq.

Atuiffik 27-26: Formandinut marlunnut akissarsiasat atuiffimmi missingersuusiorfigineqarnikuullutik, massakut formandi ataasiinnaagami annikitsumik atuiffiuvoq.

Atuiffik 27-27: Ukioq manna asfalterneq naammassivoq. Namminersortunut/inuinnarnut asfalterneq akiligassat, oqimaaqatigiissitsinermit matumani ilaatinneqarput. Isertitat taakku atuinermit appasitsitsissapput, aamma atuiffik 20.01-ip ataani nassuiarneqartut, kommunip asfalterneq unitooqattaarnermit unammillernartortaqaarsimaneramik patsiseqarpoq.

Atuiffik 27-30: Majuartaateqarfimmu ingerlatsisunut akiligassap annertunersaa, ukiumi qaammatini sisamani siullerni akilerneqartarpoq. 2017-ip naanerani atuinivik takulluarneqarsinnaalissaaq.

Atuiffik 27-31: Aallaarsimaartarfiup innaallagiaata misissorneqarnikuunera ingerlatsinikkut sippuisitsilluni annerusumik aningaasartuuteqartitsivoq. Innaallagissap misissorneqarnerani nutaamik generatorilerlugulu, kaabilit taarsorneqarput.

Atuiffik 27-99: missingersuutitut sanilliullugu illuutiniq oqartussanut annerusumik isertitaqaarsimanerup, umiatsianullu qaqitsivinnut tunngatillugu isumaqatigiissusiorsimanerup kiisalu sanaartorsinnaanermut akuersissutit tunniussinerni annerusumik isertitaqaarsimanerup kingunerisaanik, "annerusumik atuisoqarsimavoq".

**Atuiffik 6 – Pilersuineq: Sisimiut Maniitsoq**

SISIMIUT- Maniitsoq pillugu pilersuiffiit		Missing	Tapiissutit	All. nuuss	Akuers	Atuineq	Sinneruttut	Atuineq
Atuiffik	Atuiffiup taaguutaa	(1.000 kr)	(1.000 kr)	(1.000 kr)		(1.000 kr)	(1.000 kr)	%-inngorlugu
66	EQQAAVILERINEQ IL.IL.	612	0	0	612	29.835	582	4,9
68	PILERSUINERMUT INGERLATSIVIIT ALLAT	1.331	0	0	1.331	1.554.147	-223	116,8
<b>6</b>	<b>PILERSUIVIIT</b>	<b>1.943</b>	<b>0</b>	<b>0</b>	<b>1.943</b>	<b>1.583.983</b>	<b>359</b>	<b>81,5</b>

Sisimiuni pilersuinermit tunngatillugu missingersuutaasuniit 3,1 mio. koruuniniit atuineq 104,0 procentiuvoq.

Konto 66-02 eqqaavilerineq, eqqaavinnik imaarsinermit suliamut akiligassanik kingumoortumik innuttaasunut akiligassiisoqartarpoq, tamannalu atuinermik eqqunngitsumik takutitsisinnaavoq. Eqqakkanik suliaqartarnek immikkoortunut pingasunut agguataagaavoq, Eqqaavissuaq atuiffik 66-05, tigooraavik atuiffik 68-05-10 aammalu ikuallaavik atuiffik 68-05.

Atuiffik 68-05 kissamik tunisaqartarnek missingersuutaasunit annikinneruvoq. Taamaattorli uuliakunik ikuallaavik ikkussuuteqqammersoq, Isertitassatut amigaataasunut iluarsissutissaassaaq, taanna aalajaatsumik ingerlagami. Suliffeqarfiit eqqakkat tunniuttagaannit isertitat, piffissami matumani missingersuutinit annertuneruvoq. Tamanna eqqakkanik tunniunneqartunik taakkunungalu akiligassiisarnep pitsaanerumik aqunneqarneranik patsiseqarpoq. Atortunik assakaasulinnik iluarsaassisarneq aammalu ikuallaavimmi iluarsaassisarnerit pissutigalugit, ataatsimut isigalugu eqqagassalerinermit ingerlatsinermit sippuilluni atuisoqarpoq.

Atortunik assakaasulinnik, aputaajaatinik biilinillu, iluarsaassisarnermit taakkunangalu ingerlatsinermit sippuilluni atuivallaartoqarpoq.

Sisimiuni Maniitsumilu ikuallaavinni missingersuutitigut qaanngiisoqaqqavoq. Atuivallaarnerit missingersuutitigut nuutani maanna suli ikkunneqanngitsunit matussuserniarneqarput.

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 05-ani  
2017 ileqqusumik ataatsimiinnerani imaqarniliaq 08/2017**

**Atuiffik 7 – Sanaartorneq: Sisimiut Maniitsoq**

Anlægsområdet vedr. SISIMIUT - MANIITSOQ		Budget	Tillæg	Omplac.	Bevilget	Forbrug	Rest	Forbrug
Kt.	Kontonavn	(1.000 kr)	(1.000 kr)	(1.000 kr)	(1.000 kr)		(1.000 kr)	i %
70	ANLÆG VEDR. EKSTERNE OMRÅDER	3.600	19.163	0	22.763	13.494.155	9.269	59,3
71	ANLÆG VEDR. ADMINISTRATIONS OMRÅDER	600	0	1.300	1.900	668.150	1.232	35,2
72	ANLÆG VEDR. TEKNISKE OMRÅDE	16.984	9.630	8.835	35.449	7.793.826	27.655	22,0
73	ANLÆG VEDR. ARBEJDSMARKED	0	0	300	300	82.506	217	27,5
74	ANLÆG VEDR. FAMILIEOMRÅDET	0	-88	1.325	1.237	384.943	852	31,1
75	ANLÆG VEDR. UNDERVISNING & KULTUR	10.900	11.156	6.914	28.970	8.958.601	20.011	30,9
76	ANLÆG VEDR. FORSYNINGSVIRKSOMHED	2.500	1.327	0	3.827	3.152.730	674	82,4
77	ANLÆG VEDR. BYGGEMODNING	5.000	4.370	0	9.370	1.535.566	7.834	16,4
<b>7</b>	<b>ANLÆGSOMRÅDET, MANIITSOQ</b>	<b>39.584</b>	<b>45.558</b>	<b>18.674</b>	<b>103.816</b>	<b>36.070.477</b>	<b>67.746</b>	<b>34,7</b>

Qeqqata tamakkerlugu sanaartorneq tunngasunut tamanut tamakkiisumik missingersuutaasuniit 137.073 mio, koruuniniit atuineq 30,0 procentiuvoq. Naatsorsuineq tamanna Sisimiunut, Maniitsumut kiisalu sumiiffimmi kode-nut 00 imaluunniit 90-inut ataatsimut atuiffinnut atuuppoq.

Sanaartorneq tunngasuni sanasunit akiligassiisutit nalinginnaasumik qaammatip naanerani tiguneqartarput, aammalu aningaasaqarnikkut kisitsit 27.11-minngaaneermata, novembarimut qaammammut akiligassat suli ilanngunneqanngillat.

Suliassat arlallit suli aallartinneqanngillat, sumiiffinnit allanit akuersissuteqartoqarnissaa utaqqineqarmat, soorlu ilaatigut ATV-nut aqut Namminersorlutik Oqartussanit avatangiisitigut akuersissuteqarnissaat utaqqiga, aammalu Sarfanguani Illu tamatigoortumut pilersaarusiornissamut tunngavissaq aamma amigaataasoq.

Illoqarfinni marluusuni innarluutilinnut inissiassat 16-it sanaartorneqarput illup iluani suliassartaat suliarineqarlutik.

Itillimi inissiassaq Illorput naammassilerpoq aammalu decembarip qiteqqunnerani attartortitassanngorlugu Ini-mut tunniunneqarnissaa naatsorsuutigineqarpoq.

Kangerlussuarmi najugaqarfissat Illorput marluk 2016-imi tunniunneqartut naammassereerput attartortitassatullu ini-mut tunniunneqareerlutik, 2017-imi pingasut tunniunneqartut toqqavissaat sanaartorneqareerput sukassaallu suliarineqarlutik. Kangerlussuarmut illut sanariaannaat pingasut aammattaq tunniunneqareerput.

**Innersuussut**

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigaa, Sisimiunut Maniitsumullu Teknikkimut, Pilersuinerimut Sanaartornequmullu nalunaarussiaq 2017-imi novembarip 27-aneersoq tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussat**

1. 2017-imi novembarip 27-ani oqimaaqatigiissitsineq

## **Imm. 04 Sisimiuni Qaarinneq-mi iliveqarfissamut nutaamut immikkut aningaasaliissuteqarneq.**

Journalnr. 06.02 atuiffik 72-69-10

### **Tunuliaqutaq**

Akiani iliveqarfissamik nutaamik pilersitsisoqarsinnaanera, kommunalbestyrelsip 2016-imi maajip 26-ani ataatsimiinnermini 03/2016 akuersissutigivaa.

Sisimiuni Qaarinneq-mi iliveqarfissamut nunaminertamut kommunip pilersarusiorneqarnerani tapiliussassaq 32 kommunalbestyrelsip 2017-imi aggustip 24-ani ataatsimiinnermini 04/2017 akuersissutigivaa.

Kommunip 2017-imut missingersuutaani, Sisimiuni iliveqarfissamut nutaamut atuiffik 72-69-10-mi 2,250 mil. koruunit immikkoortinneqarnikuupput.

### **Maleruagassatigut tunngavissat**

Atuiffimmut 72 (teknikkimut tunngasuni sanaartornermut aningaasaliissutit) Teknikkeqarnermut, Aatsitassarsiornermut Avatangiisinullu Ataatsimiititaliaq akisussaasuvoq. Iliveqarfiit pillugit Inatsisartut peqqussutaat nr 6, 17. oktober 1990-imeersoq

### **Pissutsit atuuttut**

Siunnersortinik sullinneqarnissamik neqeroortitserernerup kingorna akikinnerpaamik neqerooruteqartup ingeniørfirma Rambøll pilersarusiorneq suliarissavaa. Pilersaarutitut siunnersuut 2017-imi novembarip 15-aneersoq suliarineqareerpoq, ilanngussaq 1.

Nunaminertami tasinnortami sikumiit tatsip naqqata alakkarterneqarnera 24-riarlugu novembarimi ingerlanneqarpoq. Iliveqarfefarfissap qeqqata ilaani tatsip ataata naqqa nammassisinnaanngitsoq paasinarsivoq. Naqqa nammassisinnaanngitsup itissusaa ilaatigut 1,8m sinnerlugu ititigaaq.

Sanaartornerup ingerlanerani entreprenørmaskinat ingerlasinnaassappata, naqqa aqitsoq taarserneqartariarpoq. Naqqa aqitsumi inissisimasumi inissiinissamut assaasoqarnerani nikittoortoqassanngippat, itinerusumik kuussiniliorniarluni qaartiterinissaq pisariaqarpoq, taamaalillunilu nunaminertami kuutsitsisoqarluni. Sioqqat immiissutit iliveqarfissamik immikkoortup 2-p tungaanut kujammut nunatamut appasinnerusumut sisoortuussanngippata, kujammut ujaqqanik assiaqutinik akimortuusumik pisariaqarpoq. Immikkut suliasat taakku aammalu ingammik naqqa nammassisinnaanngorlugu qaartiternerlukunik taarsernissaa suliniummut akitsorsaataavoq.

### Atuilluartuunissakkut kingunerisinnaasai

Ilisinermut nunaminertanik iliveqarfissanut pisariaqartitsineq kommunip akuersaarppaa, aammalu imeqarfiup killeqarfiata avataani sioqqanik atortussanik assartueqqanngikkaluarluni ilisinerit ingerlanneqarfigisinnaasaannik, illoqarfiup qanittuani nunaminertanik sioraannaasunik/nunamik aqitsumik nassaartoqarnikuunngilaq.

### **Aningaasaqarnikkut allaffissornikkullu kingunerisinnaasai**

Iliveqarfissamik nutaamik pilersitsinissaq Ilagiit Sinniisaannit siullernit suleqateqarluni pivoq. Suliniutitut siunnersuut Ilagiit Sinniisaannut nutaanut nassiunneqarnikuuvoq, oqaaseqaataasinnaasunik oqaaseqaateqarniassammata, taakkunanga akissutinik tigusaqartoqarnikuunngilaq.

Maannamuugallartoq taamaallaat missiliuutip C-p kisitsisitaata takutippaa, iliveqarfissamik immikkoortoq 1-imi biilnut inssiivittalimmik ingerlatsinissamut 2,6 mil. koruunit amigaataasut.

Pilersarusiamut atortunik inaarsaanerup kingorna aammalu 2018-imi

suliariumannittussarsiuussinissamut, sanaartornissamut akimik eqqornerusortalik missiliuut A

suliarineqarsinnaassaaq. Taamaattorli qanorluunniit pisoqaraluarpat aningaasaliissutinut sinaakkutinik

qaffaanissaq pisariaqassaaq, aammalu 2018-imi apriliip kingorna aalajangiinerit aatsaat pissappata, ataatsimiititaliap ataatsimiiinnissaata tullissaanut piffissaq sivisuallaaratarsinnaavoq, taamaalilluni aasaanerani aallartinnissaq angumerineqarsinnaanani. Taamaalisoqassappat sioqqanik inniminniinissaq assaanissarlu ima kingusinaartigissaaq, 2018-imi ukiaanera sioqqullugu inaarsaanissaq angumerineqarsinnaanani.

2018-imi immikkut aningaasaliissuteqartoqarnissaanut periarfissaasinnaavoq, aningaasat sinneruttut 2019-imut missingersuutinut ilanngunneqarsinnaanerat.

### **Qullersaqarfiup oqaaseqaatai**

Oqaaseseqaatissaqanngilaq.

### **Allaffeqarfiup naliliinera**

Allaffeqarfik naliliivoq, naqqata aqitsup taarserneqarnissaanut aammalu iliveqarfeqarfissap ataani kuutsitsinissaq pisariaqartumut aningaasartuutissat annertunerusariaqartut, suliasap ingerlanneqarnissaanut aammalu nunaminertap assatap kingusinnerusukku nikittuunnginnissaa pinngitsoortinniarlugu.

Iliveqarfissaq nutaaq siunnersuutaasutut 3500 m<sup>2</sup> missaani annertussusilik ilivernik 350 missaaniittunik imaqarsinnaavoq ukiullu qulit missaani atorneqarsinnaassalluni. Iliveqarfeqarfissamik annikilliliineq taamaalilluni sanaartugassaaq annikinnerulernera, taamaallaat sanaartornermut aningaasartuutinik annikitsunnguamik annikillisisissaaq, iliveqarfeqarfissami immikkoortoq 1-ip qeqqata ilaani naqqa aqitsoq inissisimammat, aammalu aallaqqaataaniilli biilit uninngasarfissaannik pilersitsinissamut aningaasartuutit ingerlanneqartussaammata. Iliveqarfik minnerusoq ilivernik ikinnerusunik imaqassaaq, taamaalluni siusinnerusukku alliliinissamik pisariaqartitsisoqassaaq. Angissusissaatut siunnersuutaasumi alliliinissamik pisariaqartitsinsissaaq aatsaat 2028 missaani pissaaq.

Mittarfimmut mikkiartulernermi annerpaamik portussusissaaq pillugu Trafikstyrelsen-imit piumasaqaataasoq pissutaalluni Akiani Najugaqarfissiami A30-imi qaartiterisoqassaaq, tassanilu qaartitikkat sinneri naqqanik taarsiinissamut tassanngaaniit aaneqarnissaat naatsorsuutigineqarpoq. Sanaartornermut katillugit 4,8 mil. koruuninik ilivermut ataatsimut 13.800 koruuninik akeqassaaq.



### **Innersuussut**

Teknikkimut Avatangiisinullu immikkoortortamit, Teknikkeqarnermut, Aatsitassarsiornermut Avatangiisinullu ataatsimiititaliamit akuerisassanngorlugu innersuussusutigineqarpoq:

Sanaartornissamut atuiffimmi 72-69-10-mi 2018-imi missingersuutinut 2,600 mil. koruuninik ilanngussisoq**assasoq**

### **Aalajangiineq**

Innersuummik akuersisut:  
Sofie Dorthe Olsen  
Karl Lyberth

Taaseqataanngitsut:  
Frederik Olsen  
Malene Ingemann  
Emilie Olsen

Innersuussut itigartinneqarpoq, siulittaasupp kissaatigaa Kommunalbestyrelse-mut aaliangigassanngorlugu ingerlateqqinneqassasoq. Kommunalbestyrelsep 2018-nimi siullermeerlutik ataatsimiilerunik aaliangigassanngorlugu.

### **Ilanngussat**

1. Qaarinneq-mi iliveqarfissamut nutaamut suliniummut siunnersuut 2017-imi novembarip 15-ianeersoq
2. Qaarinneq-mi iliveqarfissamut nutaamut missiliuut C 2017-imi novembarip 22-aneersoq

## **Imm. 05 Sisimiuni maskinanik pisinissamut aningaasaliissutinit atuinissamik allannguissamik innersuussut**

Journalnr.

### **Tunuliaqutaq**

Maskinanik pisisarnermut aningaasaliissutinik agguataarisarnermik akuersissuteqarnissaq pillugu, 2016-imi decembarip arfernani Teknikkimut Avatangiisinullu ataatsimiititaliap ataatsimiinnerani 08/2016, Maniitsumi Sisimiunilu Teknikkimut Avatangiisinullu immikkoortortani maskinanik nutaanik pisinissamut aningaasanik missingersuusiortoqarnikuuvoq.

Aningaasaliissutit tamakkiisut 6,5 mio. koruuninik amerlassuseqarput, taakkunanngalu Sisimiunut 3,5 mio. koruunit immikkoortinneqarlutik. Aningaasanut sinaakkutaasut iluanni maskinat pisiarineqarnikuupput. Taamaalilluni Sisimiunut aningaasat sinneruttut atorineqarnissaat kissaatigineqarpoq, taamaalilluni innersuussut manna tassunga tunngassuteqarpoq.

Aningaasaliissutit sinneruttut suliniutinut marlunnut tullinnguuttunut atorineqarnissaat kissaatigineqarpoq.

- 1) Ikuallaavimmi uuliakunut tigooraavimmi pitsanngorsaalluni suliniummut.
- 2) Eqqagassanik balletsinut ilioraanissamut, naqiteriummut pisiareqqammisamut inissamik ilusiliinissaq pillugu suliniummut.

Uuliakunut tigooraavimmut aningaasat atorineqarnissaanut pissutaasumut tunngaviuvoq, Sisimiuni uuliakumik tunniussisarnissamut pisariaqartitsineq pillugu Royal Arctic Line-imit saaffiginnineq. Royal Arctic Line umiarsualivimmi oqartusaaanermi pisussaaffimminik aammalu umiarsuaatileqatigiiffittut uuliakunik katersisarnermini uuliakumik tunniussisarnissamut ullumikkut periarfissaqanngilaq. Taamaattumik tunniussisarnissamut aaqqiineq pillugu Sisimiuni TAI-p umiarsuaatileqatigiiffik aperinikuuaa. Maannakkut umiarsuaatileqatigiiffik qanoq annertutigisunik tunniussisarnissaminik kissaateqarnerseq ilisimaneqanngilaq.

Sulineq pitsaanagerusunnigornialugu balletsinut naqiteriummut inissamik ilusiliinissaq pitsaanerulersinneqassaaq. Naqiterutilli atorineqalernerata kingorna, inissamik qulisamik amigaateqartoqarnikuuvoq, tamatumani sulisuusut naqiterut atorlugi suliffigisinnaasaannik kiisalu maskinap anorimut silamullu illersorneqarnissaanut.

### **Maleruagassatigut tunngavissat**

TAAA – atuiffik 6-imit ataatsimiititaliaq akisussaasuvoq, taassuma ataani eqqagassanik passussineq ikuallaanerlu aningaasalersorneqarlutik aammalu atuiffik 7-imi sanaartornermut aningaasaliissutit.

### **Pissutsit atuuttut**

Biiinik maskinanillu nutaanik pisinissamut 2017-imit missingesuutini 6,5 mio. koruunit missingersuutigineqarput.

Aningaasaliissutit sanaartornermut aningaasaliissutit atuiffik 72-imit ikkunneqarput. Aningaasaliissutit Maniitsumi nunaqarfiinilu kiisalu Sisimiuni nunaqarfiinullu agguataarneqarnikuupput.

Tullinnguuttut aningaasaliiffigineqarnikuupput, Sisimiuni TAI-mi pisineq, 2016-imi decembarip arfernani TAA 08/206 ataatsimiinnerani akuersissutigineqartoq. Taakku naatsorsorneqarneranni aningaasat sinneruttut:

1. Ikuallaavimmut eqqakkanut naqiterut (ballepresser). Namminersorlutik Oqartussat eqqakkanut naqiterummik tamakkiisumik aningaasaliinissaat qinnutigineqarnikuuvoq, soorlutaaq politikereit akuerisaannik aningaasaleeqataanissaq qinnutigineqarnikuusoq.
  - Akissaatut naatsorsugaq: 2000.000 kr.
  - Atuinivik: 1.294.000 kr.
  - Sinneruttut 706.000 kr.
2. Toqusunut biilit. Massakkut toqusunut biilit 1982-ernisaallutik nutaanngileqqapput.
  - Akia: 1.000.000 kr.
  - Atuinivik: 835.000 kr.
  - Sinneruttut 165.000 kr.
3. Itillimi aqqusinilierisunut aputaajaateeqqat (minilæsser). Massakkut aputaajaateeqqat nutaanngileqqapput.
  - Akia 420.000 kr.
  - Atuinivik: 420.000 kr.
  - Sinneruttut: 0 kr.
4. Sisimiuni aqqusinilerisunut aputaajaat (sneslynge).
  - Akia 90.000 kr.
  - Atuinivik: 188.000 kr.
  - Sinneruttut: 98.000,00 kr.

Eqqagassanik naqiterisarnissamut uuliakunut ilusilersuiner Mullu inissamut tigooraavissaq pillugu suliniutinut marluusunut aningaasanik sinneruttunik atuinissaq katillugu: 733.000 kr.

Royal Arctic Line-ip saaffiginnissutaa aamma eqqakkat kissamut atorneqarsinnaanerannut aammattaaq periarfissiivoq.

Nunatsinni uuliakumik tunniussinissamut allanik periarfissaqannginnamik, umiarsuaatileqatigiiffik Sisimiunut saaffiginnissuteqarnikuuvoq. Uuliakumik ikuallaavittaatsinni uuliakumik pitsaasumik ikuallaasinnaavugut aammalu kiassarnermut atorneqarsinnaasunngortissinnaallugu.

Taamaattorli uuliakumik tigoqqakkamik paarinninnissamut tiguisinnaaneq annertusarneqarnissaanik pisariaqartitsisoqarpoq. Uuliakumik paarinninnissamut tankip annertussusaa ullumikkut 175.000 liter missaaniippoq. Taakkununga ilaassapput palletsini tankit aamma nappartat uulianik imallit, uuliakumik ikuallaanerup ingerlanerani tankinut maqinneqartartussat.

Ikuallaasarneq tankimik allamik peqarpoq. 150.000 literimik imaqqortussuseqartumik, taanna ikkussuutassaavoq aammalu maannakkut uuliakumut systemimut atassuseqarneqarluni. Taakkununga ilaassaaq uuliakunut inissiivik annertusarneqarnissaa, takuuk Namminersorlutik Oqartussat avatangiisitigut akuersissutaanni piumasaqaataasoq, uuliakunut tankit tankeqarfimmi ikkussimanissaannik piumasaqaataasoq, tankini putusoortoqassagaluarpat katersuivissuuartut annertuutut atoneqartussaq.

Uuliakunut tigooraavik pillugu suliniutip tigooraanermmut pissutsinik pitsaanerulersitsinissaq aammalu paarisinnaasanut annertussutsip annertusineranik qulakkeerinnissaaq. Soorlutaaq suliniutip qulakkiissagaa tankit plastikkerpassuit nappartarpassuillu nunaannarmiiginnannginnissaat, ukiuunerani qaartooqartarsinnaallutik taamaalillutillu uuliakumi seerisitsillutik.

Balletsinik naqiterinsissamut inissamik ilusiliinissaq ima ilusilerneqassaaq, pitsaanerpaamik atuinissaq aammalu ukioq kaajallallugu sapinngisamik pitsaanerpaamik inissaq atorneqarnissaa qulakkeerneqassalluni.

Atuilluartuunissakkut kingunerisinnaasai

Sisimiuni eqqagassanik passussinerup iluani suliniutinut aningaasat sinnerussut, kommunimi eqqagassalerinermut immikkoortumi siumut isiginnittumik ineriartortitsinerup ingerlaannarnissaanut peqataassaaq.

**Aningaasaqarnikkut allaffissornikkullu kingunerisinnaasai**

Aningaasanik sinneruttunik 733.000 koruuniusunik agguataarinissaq suliniutinut tullinnguuttunut marlunnut atorneqassapput:

Uuliakunut inissamut:

- Uuliakuusivimmik alliliinermut: 283.000 kr.
- Tankimik nutaamik assartuinerup ikkussuinerup: 200.000 kr.

Eqqagassanut balletsiniittunut naqiterinissamut inissaq:

- Hallimik pioreersumik ikkussuineq: 200.000 kr.
- Innaallagissamut pilersuinerit qulliillu qaammaqutit assigiinngitsut: 50.000 kr.

Katillugit: 733.000 kr.

Qulaani inissiineq naapetorlugu nalilerneqarpoq, aningaasat sinneruttut pitsaasumik atorneqassasut.

**Qullersaqarfiup oqaaseqaatai**

Annerusumik oqaaseqaatissaqanngilaq.

**Allaffeqarfiup naliliinera**

Allaffeqarfik naliliivoq, suliniutit marluusut 2018-ip qiteqqunnerani naammasseriissasut.

Aningaasanik aningasaliissutaareersunik sinneruttunik, ilaatigut eqqagassanik suliaqartarnerup pitsangorsarneratigut, Sisimiuni TAI ingerlatsinerup sinerani aningaasassaqalersinnaavoq kiisalu eqqaavimmit eqqakkat teqqaasut annikillinissaat qulakkeerlugu.

2018-ip ingerlanerani nalilerneqassaaq, ileqqutut eqqagassat annersaat qaleriiaarlugit inissinneqartartut, poortuganngortinneqarsimanissaat ikuallanneqarnissaanullu piareersimallutik.

Pisineq taanna eqqagassanik passussinerup pitsaasumik iluaqutaareerpoq aammalu ikuallagassanik pitsaanerup qulakkeerinnilluni kiisalu Nukissiorfinnut kissamik tunisinermi tunniussinissami isumannaatsuunerup qaffalluni.

Uuliakuusiviup allineratigut tankillu tigusinnaasaasa annertusineratigut nalilerneqarpoq, maannakkut Sisimiuni uuliakumik passussisarneq, Nunatsinni pitsaanerpaajusoq avatangiisillu eqqarsaatigalugit eqqornerpaajusoq ingerlaannarsinnaasoq.

Sisimiuni passussiarnerup qulakkeerpaa, uuliakoq nukissatut tamakkiisumik atorneqartarnera, ikuallaanermi kissaq kiassarnerup aqutitut tamakkiisumik atoqqinneqartarmat.

Uulia tiguneqartoq tankini tankiisivimmi ikkusimasuni paarineqartarpoq. Taassuma putusoornermi pinngortitamut seerisoqarsinnaanera pinngitsoortittarpoq. Uuliakoq tankini kiassakkani paarineqartarpoq, tamatumani uuliakoq ikuallanneqannginnerani salinneqartarluni imerlu immikkoortinneqartarluni.

Erngup immikkoortinneqartarnerata qulakkeerpaa, ikuallaanermi kissaq pitsaanerusoq kiisalu ingerlaneq ataavannerusoq. Tanikit kiassakkat qulakkeerpaat, uulia salitassanngorlugu maqinneqarsinnaanera aammalu silap kissassusaa apeqqutaatinnagu ikuallaasinnaaneq. Ikuallaaneq uuliakumut ikuallaavimmi kissaq sakkortoq atorlugu pisarpoq, taamaalilluni akuutissat uloriaanaatillit sapinngisamik

annikillisinneqartarlutik. Pujoq gassimik akulik aniatinnginnerani elektrofilteri aqqusaarlugu salinneqartarpoq.

Ikkussinermut tassunga atatillugu TAI-p qulakkeerusuppa, uulkaumik 250.000 liter tikillugu paarinnissinnaanermut ikuallaasinnaanermullu avatangiisitigut akuersissutaasoq, ima allanngortinneqassasoq, avatangiisitigut akuerissut nutaap uuliakumik annertunerusumik unioqqutitsinani Royal Arctic Line-imit tiguisinnaaneq qulakkeerneqarluni.

Tigooraavik pillugu suliniutip tigooraanermut pissutsinik pitsannguinnissaq, paarisassat annertussusaasa annertusinerat aamma uuliakumik sapinngisamik pitsaanerpaamik atuinissaq qulakkiissavaa.

### **Innersuussut**

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut akuereqqullugu innersuussutigaa

Nutaamik agguataarinissamik siunnersuut akuersissutigineqassasoq aallartinneqarlunilu.

### **Aalajangiineq:**

Innersuussut akuersissutigineqarpoq.

### **Ilanngussat:**

Soqanngilaq.

## **Imm. 06 Sisimiuni, Kangerlussuarmi, Sarfannguani Itillimilu aserfallatsaaliinermut aningaasaliissutinik agguataarineq**

Journalnr.

### **Tunuliaqutaq**

Qeqqata Kommuniani illut inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut aserfallatsaaliinermut aningaasaliissutit pilersinneqarput, taamaaliornikkut siunissami illut piunnarnissaat qulakkeerneqarsinnaalluni. Tamanna tunngavigalugu 2016-imi oktobarip 27-ani Kommunalbestyrelsip ataatsimiinnermini akuersissutigaa, ukiumut 13 mio. koruunit Aserfallatsaaliinermut aningaasaatinut immikkoortinneqartassasut. 2018-imut missingersuutit suliarineqarnerisa kingorna aammattaaq Aserfallatsaaliinermut aningaasaliissutit ingerlapput.

Siunertamut aningaasaliissutit 13 mio. koruuniusut, illuutigisat malillugit Sisimiuni TAI-mut 8. mio. koruunit sinnerilu Maniitsumi TAI-mit aqutassanngortinneqarput.

Ukiunut sisamanut aserfallatsaaliinermik aningaasaliissutinik agguataarinermi allannguutit pillugit, Sisimiuni TAI Maniitsumilu TAI ukiut tamaasa Teknikkeqarnermut, Aatsitassarsiornermut Avatangiisinullu ataatsimiititaliamut suliamik saqqummiussisassapput. Taassuma saniatigut atuiffik 7 ataani sanaartornissamut suliaassani allani immikkoortumi killiffik pillugu saqqummiunneqartassapput.

Aningaasaliissutit ilai sanaartukkat pigisatta piujuarnissaat siunertaralugu aserfallatsaaliinermut atussavagut, soorlu illup iikkersuutaanik qalipannernut, pisariaqalernerani nutaanik ussinnerusunik igalaalersuinnernut, soorlu silaannarissarfilersuinnernut, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinnginnerulernissaq aamma siunertaralugu.

### **Maleruagassatigut tunngavissat**

Teknikimut Avatangiisunullu ataatsimiititaliaq atuiffik 7-imut akisussaasuvoq. Qeqqata Kommuniata illuutini nammineq akisussaaffigai.

### **Pissutsit atuuttut**

Ukiorpasuarni aserfallatsaaliinermut aningaasaliissutit killeqarpallaarsimapput, taamaasilluni piujuartitsinissaq siunertaralugu aserfallatsaaliinissaq ajornartarsimalluni, annermillu ileqquusimalluni aatsaat illut aserfallalluinnaraangata iliuseqartoqartarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta kingunissatsinnut paariinnarsinnaaniassagatsigit. Tamannalu anguniarneqassaaq. Kisiannili illuutit ilai ima aserfallassimatigipput, allaat ingutseriarlugit nutaamik sananissaq pisariaqarsinnaalluni, pioreersup suliarinissaa akilersinnaassanngippat.

Ukiutum 2017-imut aserfallatsaaliinissanut aningaasat immikkoortitat maanna atorneqalereerput, suliat ilaat suli ingerlapput, ilaallu naammassineqareerlutik.

Suliaasat marlussuit peqquteqavissumik 2018-imut kinguartinneqarnikuupput, soorlu assersuutigalugu Itillimi Nuunu B-1571 qalipanneqarnera aammalu Nuniaffik B-1495 kuuffissuarmut attavilerneqarnissaa. Suliaasat amerlanersaat 2017-ip naalernerani naammassineqassapput. Qilalugaq B-903-mi aamma Naja Aleqa B-844-imi suliat 2018-imi februaari ilanngullugu ingerlassapput. Nassatanik assartuussinermik peqquteqartumik tunniussinissaq kinguaattoorfiussanngippat, Naalu B-1142-imi aamma Amutsivik B-963-imi kissarsuutip uunnaavittaani taarsersuineq 2018-imi januaarip naalernerani naammassineqassaaq.

Ukiumi naatsorsuuseriffiusumi matumani 2017-imi aserfallatsaaliinermut killiffik tassaavoq, suliassat amerlanerpaat naammassineqareersut suliassallu ilaat ingerlallutik.

Utoqqaat Illuat Qupanuk-mut suliassatut pilersaarutaasut natsorsuutigisamit akikinnerusimapput, taamaattumik aningaasat sinneruttut Paaqqinnittarfik Ungaanguaq aserfallatsaalineranut atornikuuvagut, tamatumani qulliit qaammaqquutit, igalaat/matut taarserneqarnikuullutik, aammalu igalaanik suliaqarnerit naammassineqariarpata illup iluani qalipaasoqassalluni, aammattaaq illup ikkersuutai kiisalu igalaat illersorniarlugit illup qaavatigut aninganiliisoqassaaq.

Aammattaaq Innaallagissamut aningaasartuutit annikillisarniarlugit, Kangerlussuarmi/timersortarfimmi/naluttarfimmi qulliit qaammaqquutaasut taarsernikuuvagut. Aamma nunaqarfinnitsinni Itillimi Sarfanguanilu taamaaliornikuuvugut, tamatumani sullissivitsinni qulliit qaammaqquutaasut taarsersornikuullutigit.

Ukioq mannamut pilersaarut. Paaqqinnittarfik Naja-Aleqa-mi igalaajoreersut 2017-imi taarserneqassapput, tamatumani aamma naqqumiit nateq oqorsartussaallugu, tamatuma kingunerisussaava illup iluani meeqqanut sulisunullu silaannaq pitsaanerusoq, aamma Naja-Aleqa-mi quullit qaammaqquutaasut nutaanngitsut taarsersornikuuvagut. Ilanngussaq 1 takujuk.

#### **Atuilluartuunissakkut kingunerisinnaasai.**

Pilersaarusiukkamik aserfallatsaaliinerup kingunerisavaa atortuutitta illuutittalu piujuarnissaat, imaluunniit minnerpaamik piusinnaanerisa sivitsornissaat, pigisattalu nalillit piusinnaanerisa sivitsorsarneratigut nutaamik pisariaqanngitsumik sanaartornissaq kinguarsarsinnaavarput, pinngitsoortissinnaavarput, aserfallatsaaliinermi piujuannartitsinerlu inuiaqatigiinnut akikinneruvoq pitsaanerullunilu.

Illuutitik aserfallatsaaliinissamut pisariaqartitsitsinermik nalilersuinerit atuisunik suleqateqarluni ingerlanneqassaaq, taamaalilluni illut pisariaqartitsinerpaat salliutinneqassallutik.

#### **Aningaasaqarnikkut allaffissornikkullu kingunerisinnaasai**

2017-imi aserfallatsaaliinermut aningaasaliissutit killiffiannut nalunaarusiaq, TAAA-mut atuiffimmut 7-mut qaammatit pingasukkaarlugit aningaasaqarnikkut nalunaarusiami akuutinneqarput. Ilanngussap 1-ip takutippaa, ukioq 2017-imut aserfallatsaaliinermi aningaasaliissutaasut killiffiup sukumiinerusumik allaaserineqarnera.

Allaffeqarfiup inassutigaa, ilanngussaq 2-mi nassuiarneqartut, suliassanut naapertuuttumik 2018-imiit 21-mut aserfallatsaaliinermut aningaasaliissutit pillugit ukiumut 8.8 mio. koruuniusunit, Sisimiuni TAI-p agguataassagai.

Illunik atortulersuutinillu aserfallatsaaliineq 2018 naatinnagu naammassineqariissappat, aserfallatsaaliinermik suliassat piaartumik aallartinneqartariaqarput. Taamaanngippat aserfallatsaaliinissamik suliassat ilaannaat suliarineqarnissaat naatsorsuutigineqassaaq.

Suliassatut taasariaqartut ilagivaat Qimatulivik, tassani aserfallatsaaliilluni sulinissap pilersaarusiornermi tunngavissaq pisariaqartoq utaqqinikuullugu, aammalu 2018-imi aallartinneqarnissaa naatsorsuutaalluni, aserfallatsaaliinermut aningaasaliissutaasunit missingersuutinit tamakkiisunit annertungaatsiartut atorneqassallutik.

Ilanngussaq 1-mi takuneqarsinnaavoq, ukiumut aningaasartuutissat tamakkiisut, aningaasaliissutaasut 8,8 mio. koruuniusut iluanniittut. Suliassanik ataasiakkaanit sulariumannittussarsiuussereernerup kingorna aatsaat takuneqarsinnaanngussaaq, missingersuutaasut aningasartuutissat eqqortuunersut. 2017-imut aserfallatsaaliinermut aningaasaliissutaasunik sularinninnermi TAI pisinnaatinneqarpoq, aningaasaliissutaasuni 8,8 mio. koruuniusuni suliniutinut ataasiakkaanut aningaasaliissutinik allannguutinik suliqarsinnaaneramik, suliassat tamarmik suliassalluunniit tamangajammik sulariumannittussarsiuunneqassappata.

### **Qullersaqarfiup oqaaseqaatai**

Allamik oqaaseqaatissaqanngilaq.

### **Allaffeqarfiup naliliinera**

2017-imut aammalu ukiunut arlalinnut missingersuutineereersut, suliniutit ingerlaqqinnissaat pingaarutilerujussuuvoq. Taassuma qulakkiissavaa, suliniutit akuersissutaareersut soorunami ingerlaqqinnissaat, aammalu allannguutaasinnaasut suliniutini aallartereersuni, tamakkiisumik sularineqanngitsuni, nukissanik atuilussinnarnermik kinguneqannginnissaat.

Suliassat 2017-imi naammassineqanngitsut 2018-imi naammassineqassapput aammalu 2017-imut aningaasaliissutaasunit akilerneqarlutik. Suliniutit 2018-imi aningaasaliissutaasunit aningaasalersorneqartut, 2018-imi allartittussanngorlugit sularineqartussanngorlugillu piaartumik pilersaarusiorfigineqassapput.

Illut aserfallatsaalineqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaq, tamatumani pilersaarusiornermi atuisut pisariaqartitaat tunngavilersuutaallu ilanngunneqartassallutik. Taamaalilluni teknikkikkut misissueqqissaarnissamut TAI piffissaqalissaaq. Siunertaasoq tassaavoq, ukiunut tulliuuttunut aningaasaliissutaasut piffissami sivisunerusumi atortulersuutinik illunillu paarinniinnarnissamut atorneqarnissaat.

### **Innersuussut**

Teknikkimut Avatangiisinullu Immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut kingusinnerusukkullu Aningaasaqarnermut Ataatsimiititaliamut innersuussutigaa:

1. Ilanngussaq 2 naapertorlugu 2018-imiit Sisimiuni TAI ataani Aserfallatsaaliinermut aningaasaliissutinut ukiumoortumik aningaasaliissutaasunit 8,8 mio. koruuniusunit agguataarinissaa akuersissutigineqassasoq.
2. Sulariumannittussarsiuussereernerup kingorna neqeroorutaasut missingersuutinik naapertuutinnippata, missingersuutit tamakkiisut sinaakkutaasut iluanni TAI naligiissaarisinnaaneramik pingaarnersuiisnaaneranillu suli pisinnaatinneqassasoq. Missingersuutaasunit nalimmassaanerit pingaarnersuinerillu Sisimiuni TAI-mit aserfallatsaaliinermut aningaasaliissutaasut iluanni ingerlanneqartassasoq.
3. Takuuk ilanngussaq 1, aserfallatsaaliinermut aningaasaliissutinut missingersuutaasunit suliniutit killiffiat paasissutissatut tiguneqassasoq.



## **Aalajangiineq**

Inassuteqaat akuersissutigineqarpoq.

## **Ilanngussat**

1. 2017-imi aserfallatsaaliinermut aningaasaliissutit killiffiat
2. 2018-imit 21-mut aserfallatsaaliinermik aningaasaliissutinit agguataariinermut innersuussut.
3. Ukiumut 2017-imut aserfallatsaaliinermut aningaasaliissutit ataanni aningaasaliiffigineqarsimasunut takussutissiaq

## **Imm. 07 Illussanik katitigassanik 2018-imi tullerriaarinissaq.**

Journalnr. 17.20

### **Tunuliaqutaq**

"Nunaqarfinni isorliunerusunilu inissialiortiternermut pilersaarut"-inut 2017-imi Aningaasanut Inatsisitigut ataatsimut tapiissutitut aningaasat immikkoortinneqarsimasut, kommuninit aqunneqartussanngorlugit tunniunneqarput. Qeqqata Kommunianut 2017-imi 5 mio. koruuniupput, ukiunullu missiliuuteqarfiusunut 5,2 mio. koruuniullutik. Inuttut ataasiakkaatut sanaartoqatigiittunut, kommunip illuliaannut katitigassanut aamma illunut sunulluunniit atorineqarsinnaasunut (illunut sullissivinnut) Kommunip aningaasat agguataassavai.

Inissialiortitsinermut pilersaarummi aqutsinermut ilitersuummik Namminersorlutik Oqartussat suliaqarput.

Kommuni sanaartugassanut 2018-imut missingersuutimini, kommunip illussanik katitigassanik sanaartortitsinissaminut 6 mio. koruuninik immikkoortitsinikuvoq.

### **Maleruagassatigut tunngavissat**

Inissialiortiternermut, illunut ataatsimoorussanut, illuliassanut katitigassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq.

### **Pissutsit atuuttut**

Inissialiortiternermut pilersaarutitigut Qeqqata Kommunianut 5,2 mio. koruunit 2018-imut immikkoortinneqarsimasut siunertanut pingasunut atorineqarsinnaapput: Inuttut ataasiakkaatut sanaartoqatigiittunut, kommunip illuliaannut katitigassanut aamma illunut sunulluunniit atorineqarsinnaasunut.

Illussanik katitigassanik inniminniinissaq eqqarsaatigalugu, aningaasat qanoq agguataarneqassanersut pillugit kommuni piaartumik isummereertariaqarpoq. Inuttut ataasiakkaatut sanaartoqatigiittunut, kommunillu illussanik katitigassanik sanaartortitsinissaani illussat type Illorput 2100-iussapput (ilannussaq 2).

### **Inuttut ataasiakkaatut sanaartoqatigiittunut.**

Inuttut ataasiakkaatut sanaartoqatigiinniat, Namminersorlutik Oqartussat sinnerlugit 2017 tikillugu INI-mit aqunneqartarput, siunissamili kommunimit aqunneqartussaallutik. Tamanna nunaqarfinnut aamma Maniitsumut atuutissaaq, Sisimiunullu atuutissanngilaq.

Sanaartoqatigiit aaqqiineq tamanna aqutigalugu, sanaartortitsinermut aningaasartuutit 5-ip aamma 95 procentit akornanni ernialerneqanngitsumik akilersuutitaqanngitsumillu taarsigassarsinnaapput.

Illoqutigiit isertitaat aallaavigalugit, sanaartoqataasullu suliaasaq qanoq annertutigisoq nammineq suliarisinnaaneraa apeqqutaatillugit, taarsigassarsiaasap annertussusissaa nassaarineqartarpoq.

Taamaattumik taarsigassarsiaasaq 0,1-imit 2,5 mio. koruunit tungaannut missaanniissinnaasarpoq, kisianni taarsigassarsiaasat nalinginnaasumik 0,7-ip aamma 1,5 mio. koruunit akornanniikkajuttarpoq.

Sanaartoqatigiit aaqqiineq malillugu attartornissamut aningaasartuutit tamarmik Inissialiortiternermut pilersaarutitigut aningaasaliissutaatigut ingerlanneqassapput.

Taarsigassarsitinneqarnissami piumasaqaatinik naammassinnittumik qinnuteqarnikuunngimmat, ukiuni kingullerni kommunimi sanaartoqatigiilluni sanaartorteqarnikuunngilaq.

### **Kommunimi illussat katitigassat.**

Aaqqiineq taanna malillugu nunaqarfinni Maniitsumilu, Sisimiuniunngitsorli illussanik katitigassanik kommuni sanaartortitsinissaavoq. Ukiut kingulliit ingerlanerini kommunimi nunaqarfinni tamani

illussanik katitigassanik sanaartortitsisoqarnikuuvoq, Kangerlussuarmi aqqanillit, Kangaamiuni sisamat, Atammimmi pingasut, nunaqarfifillu sinnerini tamani ataaseq. 2017-imi Kangaamiuni illussanik katiteriaannarmik ataatsimik Kangerlussuarmilu pingasunik aamma aallartitsisoqarpoq.

Aaqqiineq malillugu illussat katitigassat tunniunneqarnerini kiisalu mandetiiminut tapiissutissat, illussamat katitigassamat ataatsimut 150.000 koruuniusut, sanaartugassamat ataatsimut katillugit 1,25 mio. koruunit missaat Inissialiortiternermut pilersaarutitigut akilerneqartarput. Inissialiortiternermut pilersaarummi aningaasat tamakkerlugit kommunip illuliaanut katitigassanut atorneqarpata, 2017-mi illussat katitigassat sisamat sananeqarsinnaapput.

Sanaartortitsinermi aningaasartuutit sinneri kommunimit akilerneqassapput, illussamat katitigassamat ataatsimut katillugit 1,5 mio. koruunit missaat. Tassa taamaalilluni sanaartornissamat missingersuutitigut 6 mio. immikkoortinneqartut illussanik sanariaannarmik sisamanik sanaartornissamat naammapput.

### **Illut sunulluunniit atorneqarsinnaasut.**

Kiisalu inissialiortiternermut pilersaarutitigut aningaasat immikkoortitat illunut sunulluunniit atorneqarsinnaasunik (illunik sullissivinnik) sanaartortitsinissamat atorneqarsinnaapput.

Allaaserineqarnera ilanngussatut ilanngunneqarpoq (ilanngussaq 3).

Kangerlussuaq minillugu kommunip nunaqarfii tamarmik illunik sullissiveqarput, taamaattumik aaqqiineq tamanna kommunip siornatigut atornikuunnigilaa. Katersortarfittaarnissaq ukiuni arlaqartuni Kangerlussuarmut missingersuutinut kissaataanikuuvoq, kissaatillu piviusunngortinneqarnissaanut, inissialiortiternermut pilersaarutitigut illumik sunulluunniit atorneqarsinnaasunik sanaartortitsisoqarnissaa periarfissaavoq.

### **Atuilluartuunissakkut kingunerisinnaasai**

#### **Aningaasaqarnikkut allaffissornikkullu kingunerisinnaasai**

#### **Sanaartoqatigiittunut.**

Sanaartoqatigiinneq pillugu aaqqiineq malillugu nammineq illuliat kommunimut aningaasartuutaaneq ajorput, sanaartoqatigiilli siunnersorneqarnerinut nakkutigineqarnerinullu allaffissornikkut suliaqarsinnaassalluni.

#### **Kommunimi illussat katitigassat.**

Kommunip illussanik katitigassanik sanaartortitsinera, illussamat ataatsimut kommunip aningaasartuutissai 1,4 – 1,7 mio. koruunit missaanniissapput, nalinginnaasumilli nunaqarfeeqqani akisunerusarluni. Nunaqarfeeqqani illut ilinniartitsisunut inissiatut atorneqanngikkaangata, attartornermi akigitap qaffasinnera pillugu nunaqarfeeqqani illut attartortinniartarnerat ajornakusoortartoq paasinarsinikuuvoq.

#### **Illut sunulluunniit atorneqarsinnaasut.**

Illunut sunulluunniit atorneqarsinnaasunut aningaasartuutissat tamakkerlugit, inissialiortiternermut pilersaarutitigut matussuserneqarsinnaapput, taamaalillunilu illumik sunulluunniit atorneqarsinnaasumik sanaartortitsinissaq kommunimut aningaasartuutaaffiussanani. Sumiiffinni allani illunik sunulluunniit atorneqarsinnaasunik sanaartortitsinermi aningaasartuutigineqarsimasut 6,2 mio. koruuniusimapput. Kangerlussuarmi sanaartortitsisoqassappat uffarfiliortoqarnissaa, immaqalu errorsarfiliortoqarnissaa pisariaqassanngimmat, qularnanngitsumik akikinnerusumik sanaartortitsisoqarsinnaassaaq.

### **Qullersaqarfiup oqaaseqaatai**

Oqaaseqaatissaqanngilaq.

### **Allaffeqarfiup naliliinera**

2018-imi inuttut ataasiakkaatut sanaartoqatigiinnissat periarfissikkumallugit siunnersuutigineqassaaq, nammineq sanaartornissamut taarsigassarsitinneqarnissaminik qinnuteqarfissaq februaarip 15-anut ullulernerqassasoq. Piffissaq qaangiuppat, paasinarsippallu piukkunnaatilinnik qinnuteqartoqarsimasoq, sanaartoqatigiinnissanut aamma kommunip illut sanariaannaat qassit sanaartorneqarsinnaasut, imaluunniit allanngorlugu, Kangerlussuarmi illumik sunulluunniit atorneqarsinnaasumik sanaartortoqarsinnaassanersoq Ataatsimiititaliap aalajangiiffigisinnaavaa.

### **Innersuussut**

Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigineqarpoq, sanaartoqatigiinnissamut taarsigassarsitinneqarnissamik qinnuteqarnissaq februaarip 15-ata tungaanut piffissalernerqassasoq.

### **Aalajangiineq**

Innersuussut akuersissutigineqarpoq.

### **Ilanngussat**

1. Nunaqarfinni isorliunerusunilu inissialiortiternermut pilersaarummut ilitsersuut.
2. Illorput 2100-ip allaaserineqarnera
3. Illut sunulluunniit atorneqarsinnaasut allaaserineqarnera

## **Imm. 08 Bussinik ingerlatsinermut isumaqatigiisummik sivitsuineq, Maniitsoq**

Journalnr. 70.03.15

### **Tunuliaqutaq**

Bussinik taarsiinissaq pillugu Ice-Cube ApS-imiit saaffiginnisummik, Teknikkimut Avatangiisinullu immikkoortorta qigusaqarnikuuvoq. Piffissami 2016-imi juunip aallaqqaataaniit 2121-imi maajip 31-ata tungaanut, Maniitsumi bussinik ingerlatsineq pillugu, Qeqqata Kommunia 2016-imi maajip pingajuani ce Cube ApS-imik isumaqatigiissuteqarpoq. Ice Cube ApS-ip bussinik ingerlatsineq suliffeqarfiutini Manii-Bussii atorlugu ingerlappaa.

Maniitsumi bussinik ingerlatsinermut kommunalbestyrelsi akisussaavoq. Tassunga aningaasaliissutit atuiffimmu immikkoortinneqassapput 27-21-20-12-09, bussinik ingerlatsineq Maniitsoq.

### **Maleruagassatigut tunngavissat**

Kalaallit Nunaanni bussinik ingerlatsinermut maleruagassatigut tunngaviusinaasumik peqanngilaq.

### **Pissutsit atuuttut**

Ice Cube ApS bussinik qaammatit 18-it missaanni ingerlatsereermat maluginiarneqarsimavoq, neqeroortussatut atortuni allaqqasimasoq bussit angissusissaat pisariaqartitat naapertorlugit mikivallaalersimasut. Maannakkut bussit pigineqartut Isuzu-mik meqqillit 21-nik aalajangersimasunik issiaffissaqarput kiisalu korestolenut, aneersivinnut pisunniutinullu killilimmik inissaqarlutik.

Isumaqatigiissut naapertorlugu Ice Cube isumaqatigiissut ukiuni marlunni atuutereerpat bussinik allanik pissarseqqissasoq allaqqavoq. Suliffeqarfili ukioq ataaseq ingerlariiginnartoq bussinik anginerusunik pissarsereersimavoq, taamaalilluni suliffeqarfik angisuunik bussiuteqarpoq aammlau bussit mikisut Isuzu-t marluk pigereerlugit. Busseqarnermut aqqissuussap iluatsilluartumik ingerlasimanera peqqutaalluni, Isuzu bussit ilaasorisartakkanut mikivallaalersimapput, taamaalillutik ilaasoqarpallaartarlutik akulikitsumillu aserortoortarlutik.

Taamaammatt Ice Cube ApS-ip Qeqqata Kommuniannut siunnersuutigaa, Isuzu bussit aappaa nutaanerusumik illoqarfimmi bussimik Mercedes-imik inunnut 57-inut inissalimmik taarserneqassasoq, tassani issiavissat aalajangersimasut 38-ullutik. Suliffeqarfik bussinik angisuunik marlunnik ingerlatsinnaalissaaq, Isuzu-llu kiserngoruttut pissamaatigilerlugit. Tamanna Busiutilinnut bussinik nutaanik pisinermi 600.000 – 700.000 koruuninik aningaasartuuteqaqqissaaq. Suliffeqarfiullu tamanna aningaasartuuteqarfigiumavaa, massakkut sullissinerup pitsaassutaa attatiinnarumallugu. Kisianni Ice Cube ApS tassuuna aningaasasaqartikkumallugu, suliffeqarfiup immikkut tapiisoqarnissaa siunnersuutiginnigilaa, kisiannili sullissinermut isumaqatigiisummik ukiunik marlunnik sivitsuisoqassasoq maannakkut isumaqatigiisummi piumasaqaatit atuuttut assigalugit, bussit nutaat imminut akilersinnaaniassammata.

### **Atuilluartuunissakkut kingunerisinnaasai**

Maniitsumi innuttaasut nammineq biileqartarnerat taxanillu ingerlasarnerit eqqarsaatigalugit pitsaasumik bussersinnaatinnerisigut assartuutit atuilluartuunerusut qulakkeerneqassapput.

### **Aningaasaqarnikkut allaffissornikkullu kingunerisinnaasai**

Bussinik ingerlatsinermut sullissinermut isumaqatigiissutit ukiunik marlunnik sivitsorneqarnera kommunimut aningaasaqarnikkut kingunissaqanngilaq, isumaqatigiisummi piumasaqaataasut allat

21

allanngorneqartussaannnginnamik.

Sullissinermut isumaqatigiissummik sivitsuinermi bussinik ingerlatsinerup  
suliariumannittussarsiuunnissaanut allaffissornikkut suliassat oqimaatsut kinguartinneqassapput.

### **Qullersaqarfiup oqaaseqaatai**

Oqaaseqaatissaqanngilaq.

### **Allaffeqarfiup naliliinera**

Bussinik ingerlatsinermi sullissinerup pitsaassusaa Ice Cube ApS-illi bussinik ingerlatsineq tigummagu,  
tupinnaannartumik pitsanngoriarujussuarnikuuvoq. Tamatuma kingunerisimavaa bussinik atuisut  
amerlanerulernerat, taamaattumillu isumaqatigiissut malillugu bussit pigineqartut mikivallaalersimallutik.  
Teknikkimut avatangiisinullu immikkoortup nalilerpaa, Ice Cube ApS-imit sullissinermut  
isumaqatigiissutip sivitsorneqarnissaanut kissaatigineqartoq bussinik anginerusunik pissarsinikkut  
suliffeqarfimmut, Qeqqata Kommunianut bussinillu atuisunut iluaqtissartaqartoq.

### **Innersuussut**

Teknikkeqarnermut, Aatsitassarsiornermut Avatangiisinullu Ataatsimiititaliamut akuereqqullugu  
innersuussutigineqarpoq, IceCube ApS-imut bussinik ingerlatsinermut isumaqatigiissutaasoq ukiunik  
marlunnik ulloq 31.05.2023 tikillugu sivitsorneqassasoq, piumasaqaatinik allannguinani suliffeqarfik  
bussinik anginerusunik pissarsisinnaassappat.

### **Aalajangiineq**

Innersuussut akuersissutigineqarpoq

### **Ilanngussat**

1. Ice Cube ApS allagaqaataa
2. Bussinik ingerlatsinermut isumaqatigiissut

## **Imm. 09 Avatangiisinik pitsanngorsaaniissamut aningaasaliissutit**

Journalnr 06.01.03

### **Tunuliaqutaq**

Avatangiisinik pitsanngorsaaniissamut 1 mio. koruuninik ukiumut aningaasaliissutissanik atuiffik 76-imi sanaartornermut missingersuutini immikkoortitsisoqarnikuuvoq. 2018-imi aningaasaliissutit qanoq atorreqarsinnaanerit pillugu allaffeqarfik siunnersuuteqarpoq.

### **Maleruagassatigut tunngavissat**

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq.

### **Pissutsit atuuttut**

Aningaasaliissutit 2016-imi 2017-imilu, pingaartumik Sisimiut ataani nunaqarfinni saviminikunik torersaanermut atorreqarnikuupput. Eqqakkat saviminikullu annertuut piiarneqarnikuupput. Nunaqarfinni eqqagassarpasuit saviminerillu eqqakkat isumagineqarlutik illoqarfinnullu assartorneqarlutik, ukiumut immikkut suliniarfigineqartassasut nalilerneqarpoq. Aningaasaliissutit 1 mio. koruuniusut 2018-imi tullinnguuttut atorreqassasut siunnersuutigineqarpoq:

- |  |         |
|--|---------|
| 1. Avatangiisinut tapiissutinut aningaasaleeqataassutsit – Sisimiut          | 300.000 |
| 2. Avatangiisinut tapiissutinut aningaasaleeqataassutsit – Maniitsoq         | 300.000 |
| 3. Sanaartorfinnit eqqakkanik ikuallaaneq – Maniitsoq                        | 150.000 |
| 4. Nunaqarfinni saviminikunik torersaanerup ingerlaqqinnissaanut – Sisimiut  | 125.000 |
| 5. Nunaqarfinni saviminikunik torersaanerup ingerlaqqinnissaanut – Maniitsoq | 125,000 |

1-mut aamma 2-mut:

Avatangiisitigut pitsanngorsaaniissanut, eqqagassalerinissamut il.il. suliniutinut assigiinngitsunut Qeqqata Kommunia tapiiffigineqarnissaminik ukiut tamaasa Avatangiisinut Pinngortitamullu Naalakkersuisoqarfimmu qinnuteqartarpoq. Suliniutit tapiiffigineqartussaqqissutut Namminersorlutik Oqartussat toqqagai tapiiffigineqassappata, kommunit namminneerlutik minnerpaamik aningaasartuutissat 25 procentiat aningaasaliiffigisassagaat piumasaqaataasarpoq. Nammineq aningaasaliissutissat missingersuutitigut 300.000 koruunit tikillugit killiliussaqaartitsinermi, Maniitsoq Sisimiullu suliniutinut 1.200.000 koruunit tikillugit qinnuteqarsinnaapput - taamaattumillu Namminersorlutik Oqartussanit 900.000 koruunit utertinneqarnissaannut siumut akuersissuteqarfigineqarsinnaallutik. Kommunimi illoqarfinnut nunaqarfinnullu tamanut suliniutit tunngassuteqarsinnaapput. (Kangerlussuaq ilanngunagu).

3-mut. 2015-imi 2016-imilu Namminersorlutik Oqartussanit tapiiffigineqarnikkut Maniitsumi eqqaavissuaq annertuumik torersaanerpoq. Taamaattorli malitsigisaanik Ole Petersenip Aqqutaani Salliamartamilu inissiarpaaluit ingutserneqarput, qisuillu eqqakkat eqqaavissuarmi inissamik annertuumik tiguseqqillutik. Taamaattumik kommunip eqqakkanik ikuallaassutaa (Air Burner) atorlugu qisuut eqqakkat immikkut ittumik iliuuseqarluni ikuallanneqartariaqaleqqapput.

4-mut 5-imullu. Nunaqarfinni immikkut ittumik suliniuteqarnissani aningaasassaqaarnissaa qulakkeerneqassaaq. Eqqagassalerinissami atorussat, akissarsiassat allalluunniit sullisinissaat pineqarpoq, taamaallilluni nunaqarfinni eqqakkat illoqarfinnut assartorneqarsinnaaniassammata.

23

Nunaqaffinnit eqqakkat angisuut, saviminerit eqqakkat, eqqakkat ulorianartut il.il. ukiut tamaasa immikkut suliniuteqartassasut nalilerneqarpoq.

### **Atuilluartuunissakkut kingunerisinnaasai**

Siuliani taaneqarluni aningaasaliissutit agguataarneqartarnerat kommunimi tamarmi eqqagassalerinerup pitsanngorsartuarneqarneranut iluaqutaasut, taamaalillunilu avatangiisit minnerpaamik mingutsinneqartartut nalilerneqarpoq.

### **Aningaasaqarnikkut allaffissornikkullu kingunerisinnaasai**

Allaffeqarfiup aningaasartuutigiumaagasaanut aningaasaliissutinik agguataarisarneq naleqqutut isigineqassaaq. Siuliani allassimasutut aningaasaliissutit agguataarneqassappata, suliniutit tamarmik immikkut stedkodilerlugit kontolersorneqassapput.

### **Qullersaqarfiup oqaaseqaatai**

Oqaaseqaatissaqanngilaq.

### **Allaffeqarfiup naliliinera**

Namminersorlutik Oqartussat avatangiisinut suliniutinut aningaasaliinissaminnut siumoortumik akuersissutaannut tunngatillugu aningaasaleeqataassutissat missingersuusiartarneri, Qeqqata Kommuniani illoqarfinni nunaqarfinnilu eqqagassalerinerup ineriartortinneqartuarnissaannut qulakkeerineqataassasooq nalilerneqarpoq.

Tamatuma saniatigut avatangiisinut eqqagassalerinermullu suliniutinut tapiiffigineqarnissamik qinnuteqartut piumaffigineqartarput, kommuni eqqagassalerinermi pilersaarummik politikikkut akuersissutigineqarsimasumik nassitsissasut, suliniutillu eqqagassalerinermi pilersaarummi eqqaaneqarsimassasut imaluunniit eqqagassalerinermi pilersaarummut atassuteqassasut piumasaqaatigineqartarluni.

2017-ip qiteqqunneranit Qeqqata Kommunian, "Nunaqarfinnit eqqakkanik assartuineq" pillugu Namminersorlutik Oqartussat aningaasaliiffigisaanut misileraanermut peqataavoq. Nunaqarfinnit eqqakkat illoqarfinnut assartorneqarnissaanni periarfissat aningaasartuutillu suliniutitigut qulaajarniarneqarput, tassuunakkullu nunaqarfinni ikuallaaviiit nutaanngilillutillu mingussimaqisut ingutsertinniarnearlutik. Qeqqata Kommuniani Kangaamiut aamma Sarfannguit misileraaffigineqarput. Misileraaneq ukiut marluk ingerlassaaq. Misileraaneq tamanna Qeqqata Kommuniani nunaqarfinni tamani atuutsilersinneqassasooq naatsorsuutigineqarpoq. Avatangiisinut pitsanngorsaanissamut Qeqqata Kommuniata ukiumut aningaasaliissutigisartagai, taamatut ataavartumik atuutsilersitsinissamut tapersaassasooq naatsorsuutigineqarpoq.

### **Innersuussut**

Teknikkimut Avatangiisinullu ataatsimiititaliamut innersuussutigineqarpoq, avatangiisinik pitsanngorsaanissamut aningaasaliissutit qulaani siunnersuutigineqartut malillugit 2018-imi atorneqassasut.

### **Aalajangiineq**

Innersuussut akuersissutigineqarpoq.

### **Ilanngussaq**

Soqanngilaq.



## **Imm 10 Eqqagassalerinermi pilersaarutip politikikkut akuersissutigineqarnissaanut innersuussut**

Journalnr.

### **Tunuliaqutaq**

Qeqqata Kommunianut eqqagassalerinermi pilersaarut innersuussummi matumani saqqummiunneqarpoq, Namminersorlutik Oqartussanut nassiunneqannginnerani politikikkut akuersissutigineqarnissaa siunertaalluni.

Ukiuni aqqaneq-marlunni tulliuuttuni kommunip eqqagassalerinermi pilersaarutaa atuutissaaq. Piffissalersuineq siullermik ukiunut sisamanut pilersaarusiortuusunut agguataarneqassaaq, tamatumalu kingorna piffissamut siumut ukiunut arfineq pingasunut agguataarneqassalluni.

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi allassimavoq, Kommunit eqqakkat pillugit pilersaarusiussapput nalunaarsuillutillu, kommunip eqqakkat pillugit pilersaarutaani eqikkarneqartussanik. Kommunip eqqakkat pillugit pilersaarutaa Naalakkersuisut pingaarnersutigit eqqakkat pillugit iliuusissatut pilersaarutaannut 2010-mit 2021 tikillugu atuuttumut naapertuutissaaq.

Eqqagassalerinermi pilersaarummi matumani immikkut eqqaaneqassaaq, pissutsinut kiffartuussinernullu pioreersunut annertuumik pitsanngorsaanissaaq sammineqarmat kiisalu Qeqqata Kommuniani ullumikkut pissutsinut sanilliullugu eqqagassalerinerup nutarsarneqarneratigit, aningaasaqarnikkut periarfissatut annertuumik anguniakkanik piviusunngortitsisinnaaneq sammillugu, kommunip eqqagassalerinikkut kiffartuussinernut annertusinissamut toqqagassanik ilanngussisoqarluni.

Aningaasaliinissamut sanaartornissamullu pisariaqartitsilernissamut kiisalu eqqagassalerinermi namminermi pilersaarutinut, Qeqqata Kommunianut eqqagassalerinermi pilersaarut sakkussatut isigineqassaaq. Eqqagassalerinermut pilersaarutip akuersissutigineqarneratigit pilersaarut akuersissutigineqassaaq, eqqagassalerinermut pilersaarummili suliniutit aningaasaliiffigineqartussaasut ataasiakkaat missingsuutitigit tulleriissaarlugit akuersissutigineqartartussaallutik.

TAI-mi sapinngisamik piviusorsioortumik eqqagassalerinermut pilersaarummik suliaqarnissaaq pingaaruteqarluinnarsimavoq, pilersaarutillu suliarineqarnerani pingaarnersuutit soqutigisaqaqatigiit suleqatigineqarsimallutik. Eqqagassalerinermut pilersaarummut siunnersuut 2017-imi aggustip naanerani pisortaqaarfinit assigiinngitsunut nassiunneqarpoq, matumani Peqqinnissaqarfik, Nukissiorfiit Pinnngortitamut Avatangiisinullu Naalakkersuisoqarfik allallu ilanngullugit. Pisortaqaarfinit oqaaseqaatit eqqagassalerinermut pilersaarummut kingorna ilanngussuunneqarput. Soqutigisaqaqatigiit immikkoortumut taamatulli ukkatarinnileraneranut periuseq nalorninangitsumik patsisaaqataavoq. Ilaatigit Namminersorlutik Oqartussat Nukissiorfiillu nukissiuuteqarnermut imermillu pilersuineramik immikkoortumut pilersaarut pillugu tusarniaanermik nassiussisoqarluni, nukissiuuteqarnerup nutarsarneqarneranut eqqagassat annertuumik periarfissaasinnaasutut isigineqarlutik, tamannalu eqqagassalerinermut pilersaarummi immikkut sammineqarluni. Tamatuma saniatigit eqqagassalerinermi pilersaarummi aningaasaqarnikkut periarfissatut eqqaaneqareersunut, soqutigisaqaqatigiit peqatigalugit tigussaasunik suliniutinik angusaqartoqareerluni.

Kalaallit Nunaat tamakkerlugu annertuumik aningaasaliissuteqarnissamik pisariaqartitsissutigut, avatangiisinut naapertuunnerusumik eqqagassalerinermik annertuumik pisariaqartitsisoqarnera

25

tunngavigalugu, ingerlatsinermit aningaasartuutissatut periarfissatigut, sanaartornermut aningaasaliissuteqarnerup imminut akilersinnaasunik annertunerusumik ukkatarinnittoqalerpoq. Matuma takutinniartussaavaa, kommunimi innuttaasunik kisimi isumaginnittuunngitsumik aammali nunatta siunertamut aningaasaatai killeqartut sapinngisamik pitsaanerpaamik inissinneqarnissaat eqqarsaatigalugu, sooq Namminersorlutik Oqartussat Qeqqata Kommunia eqqagassalerinermit pilersaarummi anguniakkat naapertorlugit aningaasaliissuteqassanersut.

Siunnersuisarfik Rambøll suleqatigalugu eqqagassalerinermit pilersaarut suliarineqarpoq, taannalu inuiaqatigiit peqqissusaannut, avatangiisit illersorneqarnissaannut, aningaasaqarnikkut akisussaassusermik kiisalu eqqagassalerinermit pingaarutilinnik tunngavinnik imaqarluni. Eqqagassalerinermit pilersaarummi maannakkut unammillernartunik killiffinnillu takutitsivoq, pingaarnertulli kommunimi tamarmi qanoq eqqagassalerisoqartariaqarneranik tikkuussivoq, siunissamut qaninnerusumut ungasinnerusumullu anguniagaqartunik.

Erseqqissaatigineqassaaq, eqqagassalerinermit pilersaarut Namminersorlutik Oqartussanit kommunimi eqqagassalerinermit pilersaarutitut akuerisatut nassiunneqannginnerani, politikikkut akuersissutigineqassamat.

### **Maleruagassatigut tunngavissat**

Atuiffik 6-imut, matumani ikuallaavimmut ingerlatsinermit tunngasunut kommuni akisussaavoq. Kiassaateqarfinnik ingerlatsinermit aserfallatsaaliinermullu - kiisalu kiammik pilersuinermit Nukissiorfiit akisussaapput.

- Kommuni pigisani nammineq aserfallatsaalisussaavai.
- Kissamik innaallagiarlu atorlugu kissaq pillugu Nukissiorfiit tunniussinissamut piumasaqaataat
- Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

### **Pissutsit atuuttut**

Eqqagassalerinermit pilersaarut kommunimut tamarmut atuuppoq, inuiaqatigiit peqqissusaasa qaffanneqarnissaannut, illoqarfinni nunaqarfinnilu eqqakkat amerliartuinnartut ataavartumik piiarnerisigut eqqaavissuarni eqqakkat tamaasa peerneqarnissaannut, minnerunngitsumillu anguniakkat pitsaasut tamakku aningaasaliiffigineqarnissaannut aqutissiuinermik anguniakkanik imaqarluni.

Kommuni eqqagassalerisarnernut pingaarnertut killiffimmut, inoqarfinnilu tamani qulaajaanernut paasissutissanillu katersanut, eqqagassalerinermit pilersaarut agguataagaavoq. Siunissami ingerlatsinissanut qulaajaanerit paasissutissanillu katersat tunngaviliisussaapput, taamaalilluni kommuni eqqakkat suussusaannut annertussusaannullu kiisalu eqqagassanik passusseriaatsip killiffianut tamat isiginnissinnaajuassalluni. Qulaajaaneq paasissutissanillu katersineq eqitsisitigut ingerlanneqarput, taakkulu ilanngussani 1-imit 8 tikillugu takuneqarsinnaallutik.

Ukioq manna Namminersorlutik Oqartussat "eqqakkanik assartuisarneq"-mut tunngatillugu pilersaarutitut misiligummik 2017-2018-imut atuuttussamik aallarnisaavoq. Qeqqata Kommunia peqataavoq, matumani Sarfannguit Kangaamiullu suliniummot toqqarneqartuullutik. Eqqakkat tamaasa illoqarfimmut avatangiisinut ajoqutaanngitsumik suliareqqinneqarnissaat siunertaavoq. Eqqagassalerinermit pilersaarummi suliniut tamanna ilanngunneqarpoq, kommunimi nunaqarfinnit tamanit eqqakkat assartorneqartarnissaat piujuartunngortinneqarnissaa siunertaalluni.

Siunissami qaninnerusumi ungasinnerusumilu anguniakkat maannakkut killiffii, maannakkut unammillernartut kiisalu ataatsimut isiginninnerit aallaaviginissaat nalinginnaasuvoq, taamaalilluni inuiaqatigiit peqqissusaannik qaffassaanissaq, avatangiisinik pitsanngorsaanissaq kiisalu anguniakkat angunissaannut pitsaanerusunik aningaasaqarnikkullu isertitaqarfiusunik periuseqarnissaq pisariaqarpoq. Siunissami qaninnerusumi ungasinnerusumilu anguniakkat, kapitali 5-imi tunngaviit naapertorlugit suliarineqarput. Tunngavissat makkuupput:

- Inuiaqatigiit peqqissusaat
- Avatangiisinik illersuineq
- Akisussaaneq aningaasaqarnikkullu akilersinnaassuseq
- Angerlarsimaffinnit eqqakkanik, ikuallaavinnut peqqinnissamut avatangiisinullu ajoqutaanngitsumik assartuineq

Tunngaviit taakku aallaavigalugit, eqqagassalerinermi pilersaarummi siunissamut qaninnerusumut anguniakkat tullinnguuttut nassuiarneqarput. Eqqagassalerinermi pilersaarummi immikkoortoq 10-p ataani, nassuiaatit peqqissaartumik allaaserisat nassaarineqarsinnaapput.

"Ukiunut sisamanut pilersaarut"-mmi anguniakkat tassaapput:

- Eqqagassalerinermi pilersaarummik soqutigisaqartunut aammalu kommunimi innuttaasunut paasissutissiineq kiisalu eqqagassalerinermi pilersaarummik pilersitsineq
- Sisimiuni nutaamik ikuallaaviliorneq kiisalu eqqakkanik ikuallaanermi kissamik annertunerusumik tunisisinnaaneq.
- Sisimiuni eqqaavissuup tigooraavittut kiisalu nakkutigisaasumik katersuivittut nutarsarneqarnera
- Nunaqarfinnit eqqakkanik assartuineramik ataavartumik ikaarsarneq
- Kangerlussuarmi eqqagassalerineq
- Immikkoortiterineq eqqagassalerinermilu atuisunik akiliisitsisarnerup ingerlatiinnarnissaata atuutilersinnera
- Najugaqarfinni torersuutitsineq, matumani eqqagassanik annertuunik pigisanillu unioqquutitsilluni uninngatitanik kiisalu illunik sanaartukkanillu ingutseriaannarnik/qimaannakkanik torersaaneq

Tunngaviit taakku aallaavigalugit kiisalu eqqagassalerinermi pilersaarummi siunissamut qanittumut anguniakkanik piviusunngortitsinissamut, Qeqqata Kommunianut (siunissamut atuuffia 2021-2028) siunissamut ungasinnerusumut anguniakkat tullinnguuttut immikkoortoq 10.2-mi allattorsimapput:

- Inoqarfinni tamani immikkoortiterinerup inaarutaasumik naleqqussarneqarnera
- Sisimiuni ikuallaavimmut nutaamut tamakkiisumik assartuinnermut aaqqiissut
- Atuisunut paasissutissiineq
- Maniitsumi ikuallaaviup eqqakkanut avatangiisinut peqqissutsimullu ajoqutaanngitsumik naleqqussarneqarnera

Siunissamut ungasinnerusumut anguniakkat, siunissamut qaninnerusumut anguniakkanut tapertassatut isigineqassapput. Ukiut sisamat ingerlareernerata kingorna, siunissamut qaninnerusumut anguniakkanik nutaanik suliaqartoqassaaq, taamaalillunilu siunissamut ungasinnerusumut anguniagassanik ilanngussisoqarluni. Taamaalilluni kommuni eqqagassalerinermi ineriartortitsinermut, eqqagassalerinermi pilersaarummi siunissamut qaninnerusumut ungasinnerusumullu anguniagaqarnermigut siuaqqavoq.

### Atuilluartuunissakkut kingunerisinnaasai

Inuiaqatigiinni peqqissutsip qaffassarnissaanut kiisalu avatangiisit illersornissaanut tunngavinnik eqqagassalerinermi pilersaarut allaaserinnippoq.

Eqqagassalerinermi pilersaarutitigut atuilluartuunissakkut anguniakkat saniatigut, nunap immikkoortuisa sinnerinut iluaqutaasussamik, aningaasaqarnikkut imminut akilersinnaasumik aaqqiissummik aamma sammiveqarpoq.

Kalaallit Nunaanni ilaatigut peqqinnissamut immikkoortoq annertuumik aningaasartuutaaffiusut ilagaat. Ullumikkut eqqaavissuarnit gassinik ulorianartunik inuiaqatigiit navianartorsiorinneqartarput, eqqagassalerinermilu pilersaarut inuiaqatigiit nappaataanik tunngaviusumik apparsaataasinnaasunik imaqarpoq. Taamaalillunilu pilersaarutip atuutilersinneqarneratigut, atortulersuutaanngitsumik kiisalu aningaasaqarnikkut iluaqtissartaqarluni.

Nunatta uuliamik ikummatissamik pinngitsuuisinnaaneranut atatillugu, Qeqqata Kommunia Nukissiorfiillu ataatsimut soqutigisarivaat, uuliamik tikisitsisarnerup killilersimaartinneqarnissaa, taamaalillunilu nukimmik atuilluartumik atuinissaq annertusassallugu.

### **Aningaasaqarnikkut allaffissornikkullu kingunerisinnaasai**

Qeqqata Kommunia missingersuutitut 74 mio. koruunit ikuallaaviup nutaap naleqarnissaanut naatsorsuutigineqartut affai immikkoortereernikuuai, Namminersorlutik Oqartussat affaanik aningaasaleeqataanissaat apeqqutaalluni. Eqqagassalerinermi pilersaarutip pilersaarusiorneqarnera missingersuutit iluani inissisimassaaq. "Aningaasaqarnermut allaffissornikkullu kingunerisinnaasai"-ni sinnerani pingaarnertut ingerlatsinermi aningaasaqarnermik eqqarsaatiginninnermut, eqqagassalerinermi pilersaarummi anguniakkat atuutilersinneqarneratigut kingunerujumaartunut pingaarnertut tunngassuteqarpoq.

Eqqagassalerinermi pilersaarutip pingaarnertut siunertaraa, Qeqqata Kommuniani eqqagassalerineq nunatsinni inatsisinut naammassinnissasoq, eqqagassalerinermi pilersaarummilu anguniakkanik aningaasaliissutit qulakkeerisuussallutik, taamatullu nunatta kommunillu aningaasaqarnikkut isumalluutaat anguniakkanik qulakkeerinissamut pitsaanerpaamik atorneqassasut.

Eqqagassalerinermi pilersaarummi Sisimiuni Maniitsumilu ikuallaaviit annertuumik pingaaruteqarput, siunissaq ungasinnerusoq qaninnerusorlu eqqarsaatigalugit. Siullermik nunaqarfinit eqqakkat Maniitsumut assartorneqartarnissaat siunertaavoq, Sisimiunilu ikuallaaviup nutaap sanaartorneqareernerata kingorna nassiussuiffigineqartassalluni, taamaalillunilu Maniitsumi ikuallaavik eqqakkanut peqqinnermut ulorianaateqannginnerusunut kiisalu pinngortitamut mingutsitsinnginnerusunut atorneqartalissalluni.

Eqqagassalerinermut atatillugu "mingutsitsisoq akiliissaaq"-mut ikaarsaarnissamut, Qeqqata Kommuniata ukiumut akigititanik naleqqussaasarnerani, ukiut arlaqalersut ingerlanerini kommunip akigititaani procentikkaartumik qaffaasarnerit annertusineranik kinguneqarpoq, taamaattorli ukiut tamaasa eqqagassalerinermut aningaasartuutit kommunimut suli annertupput. Aningaasartuutit Kommunip nunallu aningaasaqarnikkut siuariartorneranut iluaqutaanngillat, ullumikkullu eqqagassalerineq peqqissutsimut avatangiisinullu toqqaannartumik ajoqutaalluinnarluni.

Aningaasaliinermut atatillugu eqqagassalerinermi pilersaarut aningaasaqarnikkut annertuumik pissutsinik, taamatullu Sisimiunit nutaamik ikuallaavittaarnissap pingaaruteqarneranik imaqarpoq. Ukiuni 2009-

2015-imi Sisimiuniinnaq eqqagassalerineq ataatsimut 19 mio. koruuninik imaluunniit ukiumut agguaqatigiisillugu 2,7 mio. koruuninik kommunimi akileraartartunut naleqarsimanera, ilaatigut eqqagassalerinermi pilersaarummi Allaaserineqarnerani atuarneqarsinnaavoq. Kapitalimi tassanittaaq nassuiarneqarpoq, piffissami tassani Sisimiuni ikuallaaviup ataavartumik aserfallatsaalineqarsimasuuppat, eqqagassalerineq aningaasartuuteqarpiassanngikkaluartoq.

Sisimiuni Teknikkimut Avatangiisinullu Immikkoortortaq aamma Nukissiorfiit immikkoortortaqarfigisai ataatsimoorussatik pillugit, illuatungeriit ingerlatsinermi aningaasartuutaat eqqarsaatigalugit Sisimiut illoqarfiani atuilluartumik nukinnik atuisoqarnissaa sapinngisamik anguniarlugu suleqatigiinnerminnik eqaallisaapput:

- Ikuallaavimmit kissamik tunisisarneq Qeqqata Kommunianut ukiumut 2-4 mio. koruuninik isertitsissutaasartoq isumaqatigiissuteqarfiunngitsumik ingerlanneqarsimavoq. 2017-ip aallartinnerani isumaqatigiissut atsiorneqarpoq, taamaalillunilu aningaasaliiffissanut tunngaviliilluarsinnaalluni.
- Ikuallaavimmit kissamik tunisisarnermi sullitat sisamariaammik-arfinileriaammik annertusineqarpata, Qeqqata Kommuniata kissamik tunisisarnermigut isertissinnaasai 2018-imit annertuumik qaffattussaapput.
- Nukissiorfiit aamma Sisimiuni Teknikkimut Avatangiisinullu Immikkoortortap, Sisimiuni kissamik pilersuiviit pilersaarusiortifigiinarpaat, taamaalilluni atuilluartumik ikuallaavimmit kissaq pilersinneqartartoq illoqarfimmi kiassarnissamik pisariaqartitsinermut atorneqarsinnaaniassammat.

Immikkoortoq 8.8 ” Sisimiuni ikuallaavimmut nutaamut kiisalu nunaqarfinnit tamanit eqqakkanik Sisimiunut nassiussuisarnermut ikaarsaarnermi, aningaasaqarnikkut missingersuusiorneq” naaportorlugu, isertitaqarfissat allat allannguuteqartinnagit, kissamik tunisinissamut minnerpaamik piumasaqaataasut nassuiarneqarput.

Kommunip ataatsimut eqqagassalerinermut kiffartuussinera apeqqutaalluni, matumani nunaqarfinnit eqqakkanik assartuineq, Kangerlussuarmi eqqagassalerinermik tigusineq kiisalu sanaartukkamut nutaamut aningaasaliissutit ingerlatsinermut missingersuutinut ilanngunneqassanersut apeqqutaallutik, tunisinerunissamut piumasaqaatit akuttussusaat 0 koruunit missaanit 13,5 mio. koruuninut naatsorsorneqarput.

Ikuallaavik nutaaq aningaasaqarnikkut avatangiisitigullu annertuumik periarfissaqartitsivoq, taamaalillunilu eqqagassalerinermut pilersaarummi matumani pingaaruteqartorujussuulluni. 2018-imit kissamik pilersuinerup annertusarnissaanut pilersaarusioreernerme akuersissutigineqareerneranilu, pilersorneqartussat arfinileriaatinngornissaanut tunngavissaqalissaaq. Ikuallaaviup tunisisinnaanerata arfinileriaatinngortinnerata saniatigut, siunissami qaninnerusumi alliliineq kissamik pilersukkanik amerlanerusunik pilersitsinissamut periarfissiissaaq, pingaartumik pisortat illuutaanik anginerusunik, soorlu atuarfiit, timersortarfik kiisalu inuussutissarsiornikkut allaffissornikkullu illuutinik. Maannakkut kiassarnermut attaveqaataasut arfinileriaatinngornerata saniatigut, pisortat illuutaat tamakkerlutik 2 mio. koruunit missaanut naleqartumik kissamik atuisuunerat missiliorneqarpoq. ikuallaavimmit Sisimiut illoqarfiata annersaanik kissamik pilersuinissamut ataatsimoorussamik siunertaqarnikkut, siunissaq ungasinnerusoq aamma eqqarsaatigalugu annertuumik periarfissaqarneq allaaserineqarpoq.

Allatut oqaatigalugu, ikuallaavimmit maannakkut ukiumut 4,5 mio. koruuninik isertitaqarneq 2018-imiit arfinileriaatinngortillugu annertusineqassaaq, siunissamilu ungasinnerusumi annertusiartorluni. Isertitaqarsinnaanermut periarfissaq piviusunngortinniarlugu, ikuallaaviup nutaap

naapertuuttunngortinnissaa pisariaqarpoq. Ikuallaavik nutaaq ilaatigut eqqakkat amerlassusaannut kiisalu annerpaamik kissamik tunisisinnaanissaanut naapertuuttunngorsarneqassaaq.

Misilittakkat naapertorlugit ukiumut annerpaamik isertitat naassaarineqariaannaapput, sullitallu arfinilinnngoriaateqarneratigut 27 mio. koruuniunissaat ilimanaateqarluni. Isertitaqarnissamulli nalinganik killeqarpoq, taannalu maannakkut kisitsisitalerneqarsinnaanani. Kisitsinerli piuminartuinnaangilaq, maannakkullu kisitsisilersorsinnaangisanik arlalinnik pissutsinik imaqarluni. Suliaq itinerusumik naatsorsorsinnaanissaanut, ikuallaavimmik nutaamik pilersarusiortoqartariaqarpoq. Naatsorsuutitut tullinnguuttut ilaatigut taakkartorneqarsinnaapput:

1. Maannakkut aasaanerani kissamik tunisisarneq annertuumik killeqarpoq. Atuisunit atuinerup annikillineraannaangitsutigut, aammali ikuallaavimmi kissamik katersuviup kissarnerata naammatsipallattarneratigut, ikuallaavimmit annertunerusumik kissamik tunisisinnaanermik unitsitsisarnera patsisaalluni. 2018-imi alliliinerup kingorna kissamik pilersuinerup allilerneqarnerani kissamik pisariaqartitsinerulernissap annertussusaa ilisimaneqanngilaq, taamaalillunilu tunisisinnaaneq annertunerulissalluni. Illoqarfiup annerpaartaanut kissamik pilersuisoqalissappat, tamanna siunissami ungasinnerusumi aamma pissaaq.
2. Kommunimi eqqakkat annertussusaanut oqimaaqatigiisitsisumik, nassiussisussamik kiisalu kissarsuummik naapertuuttumik nassaarniartoqassaaq. Taamaalilluni "orsussamik" eqqakkatigut minnerpaamik atuilluni, eqqakkanilli katersuinertaqanngitsumik, kissamik eqqortumik ataavartumik pilersuisoqarsinnaassalluni. Suliaq biiliniq eqqortunik toqqaanissamik assersuunneqarsinnaavoq, soorlu liiterimut biilit qanoq annertutigisumik ingerlasinnaappat, sukkut ingerlasinnaappat, qanoq amerlatigisunik ilaasoqarsinnaappat il.il.
3. Ilanngussani taaneqareersunut kommunip eqqagassatigut annertussusaannik kiisalu siunissami qaninnerusumi ungasinnerusumilu pitsaanerpaamik kissamik pilersuivinnut naammattumik kissamik pilersuinissamut oqimaaqatigiisitsisumik, siuliani taaneqartutut ikuallaavissap piginnaasassamigut annertussuseqassaaq.
4. Maannakkut ikuallaaviup ukiumut eqqakkanut 3.500 tonsinut piginnaasaqarneranut sanilliullugu, Sisimiuniinnaq eqqagassat amerlavallaarujussuarput, ikuallaavimmillu nutaamik pilersitsinermi nunaqarfinniit, ilimanartumillu Kangerlussuarmit eqqakkat nassuineqartarnerisigut annertusisussaallutik. Eqqakkat annertussusaat ikuallaavimmut tunniunneqartartut annertuumik nalorninartoqartarput, annertussutsit naatsorsornissaanut atortorissaarutit pisariaqartinneqartut pigineqanngimmata, pissarsiariniarneqarnissaanullu pingaarnersiorneqarneq ajorlutik. Eqqakkanut ikuallanneqarsimasunut taamaallaat annertussutsinik naatsorsuisoqarsimavoq, piginnaasakinnerlu patsisaalluni eqqakkat katersorneqartut ilanngunneqaratik. Ukiuni ataasiakkaani kissarsuutip piginnaasaat tamakkerlugit atorneqarsimasut aammali ukiut ilaani ajutoorneq patsisaalluni piginnaasaasa affaannaa atorneqarsimasoq ilanngussani takuneqarsinnaavoq'. Tamatuma saniatigut eqqakkat katersat ikuallanneqarnissamik angummassinnaangitsut annertussusaat ilisimaneqanngilaq. Pilersarusiornissamut atatillugu, annertussutsit naatsorsorneqarnissaat pingaaruteqarpoq.
5. Ikuallaavimmik nutaamik pilersarusiornerup eqqakkanik annertunerusumik pisariaqartitsinissaq takutissappagu, tassa Qeqqata Kommuniani nunaqarfinnit eqqakkat saniatigut, taava kommuninit allanit eqqakkanik Sisimiunut nassiussuisarnissamut isumaqatigiissusiortoqartariaqassaaq. "Avataanit kommunit" eqqakkanik nammineq akilerlugu nassiussuisarnissaat

naatsorsuutigineqassaaq, Qeqqata Kommunalu eqqakkanik tigooraasuullunilu ikuallaassalluni. "Avataanit kommuni" ikuallaavimmut nutaamut aningaasaliinissaminik imaluunniit eqqakkanik, kissamik tunisinissamik periarfissaqanngitsumik annertuumik aningaasartuutaasussamik, katersinissamik pinngitsoortitsissaaq. Kommunimullu pineqartumut nassiussuinissaaq nalinginnaasumik ingerlatsinikkut aningaasartuutinngornissaa aamma naatsorsuutigineqassaaq. Sisimiuni ikuallaavimmut nutaamut orsussatut, kommuninit allanit eqqakkanik nassiussuisoqartassappat, tamanna tunngavigalugu Qeqqata Kommunianut eqqagassalerinermi pilersaarummi annertunerusumik aningaasartuuteqarnissamut naatsorsuisoqanngilaq.

6. Nunaqarfinnut allanut sanilliullugu Kangerlussuup inissisimanagera kiisalu inissisimanagerata unammillernartuunera patsisaallutik, nunaqarfinnit allanit nassiussisarnissamut atatillugu eqqagassalerinermut kiisalu nassiussinissamut maannakkut missiliutaasumi qaffasinneruvoq, tamannalu aningaasaqarnermut missingersuutitigut aningaasartuutissanut annertunerusumik sunniuteqarluni. Eqqakkat ukiuunera tamaat katersorneqassapput umiarsualivimmullu pisariitsumut assartorneqarlutik, aasaaneranilu periarfissaqalernerani nassiunneqarlutik. Kangerlussuarmut Kangerlussuarmiillu akuttoqatigiimmik umiarsuaqarneq ajorpoq.
7. Kissamik tunisinissamut uuliamik atuinissaraluamut akiliutaasussaq naapertorlugu isumaqatigiissutigineqarpoq. Tassa ikuallaavimmit kissamik pissarsiassaasa annertoqataanut, uulia atorlugu kissamik pilersuisinnaanissaminut Nukissiorfiit aningaasartuutissaraluaat. Taamaalillunilu uuliap akia, Qeqqata Kommuniata isertitassaanut aamma sunniuteqaataasussat ilagaat. Allatut oqaatigalugu, ikuallaaviup patajaatsuunerata saniatigut, uuliap akiata nikerarnera tunisinermut sunniuteqartussaavoq. Namminersorlutik Oqartussat/Nukissiorfiit atuisuminnut tunisinerminni akit nammineerlutik naleqqussartarpaat.

Illoqarfiup annertunera kiisalu naggataatigut annerpaartaa ikuallaavimmit kissamik pilersorneqartillugu, ikuallaavimmut nutaamut eqqagassatigut naammattumik "orsussaqaassanersoq" apeqqutigineqarsinnaavoq. Sisimiuni ikuallaaviup qanoq issusaanut atatillugu, eqqagassalerinermi pilersaarummi ilanngussaq naapertorlugu, ukiuni kingullerni arlaqartuni ullormut eqqakkat 12 tons-it ikuallanneqarsinnaaneranut misilittakkatigut piginnaasarsimavoq. Ikuallaavillu taanna ukiumut 4,5 mio. koruunit nalinganut kissamik tunisisinnaasarsimalluni. Eqqakkat katersuunneqartut annertunerujussui patsisaallutik, ukiukkat kissamik pisariaqartitsiviunerata nalaani ikuallatassanngorlugit "toqqortarineqarneq" ajorput. Eqqakkat katersorneqartutitigut takuneqarsinnaasutut, piginnaasamut sanilliullugu ullormut eqqakkat annertussuserisaat ilisimaneqanngilaq. Siunissami kommunip nunaqarfinnit eqqakkanik kiisalu eqqakkat avatangiisimut mingutsitsinngitsumut ikuallaavimmi ikuallanneqarnissaanut naapertuunnerunik Maniitsumi eqqakkanik assartuinermi, Sisimiuni ikuallaavimmut eqqakkanik nassiussisartut marloriaatinngortussaapput. Kissamik pisariaqartitsineq naapertorlugu ikuallaasoqarsinnaanngorlugu, ikuallaavik nutaaq pinngortitamut mingutsitsinngitsumik eqqakkanik katersuivilerneqarsinnaavoq. Taamaaliornikkut kissamik pilersuiviup naammattumik kissamik pilersuisinnaanerata nalaani, eqqakkanik ikuallaasoqassanngikkualarpoq. Tamatuma saniatigut kommuninit allanit illoqarfiinit nunaqarfiinillu ataasiakkaanit eqqakkanik tiguisinnaanissaaq periarfissanngussaaq, tamatumalu kingunerisaanik eqqakkat annertusinerusussaallutik.

Kiffartuussinissarli qanorluunniit aningaasartuuteqarfiusoq toqqaraanni, pilersaarut piviusorsiorpalaartupilussuavoq.

Eqqagassalerinermi pilersaarummi anguniakkat atuutilersinneqarnerisigut, siusinnerusukkullu paasissutissiinermi aningaasaqarnikkut missingersuusiormi allaaserineqartut aallaavigalugit, SIsimiuni ikuallaavik nutaaq ukiuni ataaseq-marluk pilersaarusiorneqarnissaa kiisalu ukiuni marlunni-pingasuni sanaartorneqarnissaa missiliorlugit qaangiuppata atulerneqassaaq.

Nunaqarfinit eqqakkanik tigusinissamut Maniitsumi ikuallaavik piareersimareerpoq, taamaalillunilu siunissaq qaninnerusooq eqqarsaatigalugu, nunaqarfinni eqqakkatigut ajornartorsiut qaangerneqarsinnaalluni.

### **Qullersaqarfiup oqaaseqaatai**

Annerusumik oqaaseqaatissaqanngilaq.

### **Allaffeqarfiup naliliinera**

Ukiut tamarluinnaasa allaffissornikkut politikikkukullu assigiinngitsutigut siunertaqartunik, sanaartornissamut suliniutinik arlaqartunik siunnersuuteqartoqartarpoq. Arlaqartut aningaasartuutaannaasarpur, taamaattorli aningaasanut sanilliunneqarsinnaanngitsunik atuinissamut naleqarluinnartuusarlutik. Tamakkuli aningaasaliissutit kommunip karsianut artukkiisarpur, tamatumalu kingunerisarlugi sinneqartooruteqanngitsunik aningaasaliiffissanut periarfissanik piffissap ingerlanerani annikillisaasarneq.

Imaappoq, annertuumik sanaartornissamut aningaasaliissuteqarnikkut, aningaasaqarnikkut atuilluartsuussangatilluinnartumut, ullumikkut kommunimi inoqarfiusuni tamani eqqagassalerinermit ukiumut millionilikkaanik aningaasartuuteqarfiusunut pissutsinullu nalorninarluinnartunut pitsanngorsaataalluarsinnaasutut ilimagineqarluinnarpoq. Taamaalilluni siunissami atuilluartsunik aningaasaliinissamut ingerlatsinermullu aningaasaqarnissamut periarfissaqarluarpoq, soorluttaaqq kommunip nukinnik aningaasartuutaanngitsunik atuinissamik anguniagaanut naammassinnissasoq.

Oqaatigineqareersutut, eqqagassalerinermi pilersaarut kommunimut tamarmut atuutissaaq. Namminersorlutik Oqartussat eqqagassalerinermi sanaartugassanut pilersaarutaani inuiaqatigiit akornanni peqqissutsimut, illoqarfinni nunaqarfinnilu ikuallaaviit qanoq nappaateqalersitsisinnaanermut navianaateqarnerinik nassuiaateqarpoq. Taamaattumik eqqagassalerinermi pilersaarummi, nunaqarfinit eqqagassat ataavartumik piarneqartarnissaa ilaatigut anguniagaavoq, taamaalilluni gassit peqqissutsimut ulorianaateqarsinnaasut peerneqassallutik, taamatullu eqqagassat tamarmik peqqissutsimut avatangiisinullu ajoqutaanngitsumi ikuallaavimmi ikuallanneqartassallutik.

Sisimiuni nutaamik ikuallaaveqalernissaa Qeqqata Kommuniata Namminersorlutik Oqartussanut kissaatiginikuuaa, tamatumani tigusinnaasaanut piumasaaqatitut naammassinninnissamut aammalu gassinik aniatitsinermut EU-p avatangiisinut piumasaaqatai eqqarsaatigalugit anguniagaalluni. Siunissaq qaninnerusumut ungasinnerusumullu Maniitsumi ikuallaavik peqatigalugu, kommunip kommunimi tamarmi eqqagassalerinerup ingerlatsineranut kissaat pingaaruteqarluinnartuuvoq. Sisimiuni ikuallaavimmik nutaamik sanaartornissaa aatsaat taamak aningaasaqarnikkut kajuminnartigilerpoq, tamannalu innutaasunut kiisalu soqutigisaqatigiit pingaarutilinnut eqqagassalerinermi pilersaarutitigut nalunaarutigineqassaaq.



### **Innersuussut**

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut, kingusinnerusukkullu aningaasaqarnermut ataatsimiititaliamut kiisalu kommunalbestyrelsimut akuereqqullugu innersuussutigaa,

Eqqagassalerinermi pilersaarut 2017-2020 akuersissutigineqassasoq

### **Aalajangiineq:**

Innersuussut akuersissutigineqarpoq.

### **Ilanngussat:**

Qeqqata Kommuniata Eqqagassalerinermi pilersaarut 2017-2020 DK

Qeqqata Kommuniata Eqqagassalerinermi pilersaarut 2017-2020 GL

Ilanngussaq 1 – paasissutissanik katersuinerneq eqitsit nutsigaq. GL

Ilanngussaq 2-8 – illoqarfinni inoqarfinnilu tamanit paasissutissanik katersukkat eqitsimmut ikkussukkat.

Ilanngussaq 9 - Qeqqata Kommuniata Nukissiorfiillu suleqatigiinnissamut isumaqatigiissutaat.

Ilanngussaq 10 - Qeqqata Kommuniata Nukissiorfiillu akornanni kissamik avitseqatigiinneq.

Ilanngussaq 11 – VØLUND-imit nalunaarut – 2015-imi Sisimiuni ikuallaaviup teknikkikkut

misissorneqarnera

Ilanngussaq 11b - VØLUND-imit nalunaarut – 2015-imi Maniitsumi ikuallaaviup teknikkikkut

misissorneqarnera

**Imm 11 Avatangiisinut aningaasaateqarfik pillugu Inatsisartut inatsisaannut nr. xx, xx. xxx  
2018-imeersumut siunnersuummut tusarniaanermut akissutissatut siunnersuut.**

Journalnr. 80.11

**Tunuliaqutaq**

Avatangiisinut aningaasaateqarfik pillugu Inatsisartut inatsisaannut nr. xx, xx. xxx 2018-imeersumut siunnersuummut tusarniaanermut atortunik kommuni tigusaqarpoq. Tuasarniaanermut akissuteqarnissamut piffissaliuunneqartoq aatsaat 2017-imi decembarip arfineq-aappaanut killilerneqarmat, suliap TAAA-mut saqqummiunneqarnissaa angumerineqarsinnaavoq.

**Maleruagassatigut tunngavissat**

Inatsisartut inatsisinik nutaanik siunnersuuteqarnissamut akuersissuteqarnissamullu pisinnaatitaaffiat. Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq (Avatangiisit pillugit Inatsit)

Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq.

**Pissutsit atuuttut**

2017-imi juunimi "Uunga siunnersuut: Nioqqutissanik eqqussuinermit akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xxx 2017-imeersoq(avatangiisinut akitsuut aamma igitassanngortitsinermit akiliut)" pillugu tusarniaassut kommunimit tiguneqarpoq. Maannakkut inatsisissatut siunnersuummut taanna inatsit attuumassuteqarpoq.

Maajimi "Uunga siunnersuut: Immakkut angallatit angallatikullu peerneqartarnerat pillugu Inatsisartut inatsisaat nr. xx, xx xxx 2017-imeersoq" pillugu tusarniaassut kommunimit tiguneqarpoq. Angallatinut atorsinnaajunnaarsimasunut ajornartorsiuteqarnerup qaangerneqarnissaanut, inatsisissatut siunnersuut aqqutissiuisussaavoq. Ajornartorsiummilli tamakkiisumik aaqqiissutaasusnaanani. Annertunerusumik aaqqiissutissaqarnissamut Avatangiisinut aningaasaateqarfik tapertaassasoq, Naalakkersuisunit kissaatigineqarpoq.

Avatangiisinut aningaasaateqarfik pillugu inatsisissatut siunnersuummut oqaaseqaatini nassuiarneqarpoq, avatangiisit pillugit inatsimmi siunertanik siuarsaanissaq siunertaralugu, Namminersorlutik Oqartussanut kiisalu kommuninut avatangiisit pillugit inatsit arlalitsigut pisussaaffiliisoq. Ajornartorsiutinilli sulil arlalinnik peqarpoq, taamaalilluni ajornartorsiutit qaangernissaanut aaqqiissutissanik sulil pisariaqartitsisoqarpoq. Aaqqiissutissat tassaapput avatangiisinut akiliutit Avatangiisinullu aningaasaateqarfik.

"Uunga siunnersuut: Nioqqutissanik eqqussuinermit akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xxx 2017-imeersoq(avatangiisinut akitsuut aamma igitassanngortitsinermit akiliut)", akiliutinik akiliisitsiniarnissamut, akiliutigisanik uninngatitsinissamut kiisalu biilnik atorsinnaajunnaarnikunut tapiissutinik agguassinissamut il.il. systemimik pilersitsinissamik pisariaqartitsivoq. "Uunga siunnersuut: Avatangiisinut aningaasaateqarfik pillugu Inatsisartut inatsisaannut nr. xx, xx. xxx 2018-imeersoq"-mit tamanna isumagineqarpoq. Nunatta karsiani immikkut atuiffeqartussaalluni, aningaasaateqarfik missingersuutitigut naatsorsuinikkullu tekniskiusumik aningaasaateqarfiuvoq. Avatangiisinut akiliutinik isertitanik katersuinissaq kiisalu aningaasat siunertanut aalajangersimasunut, akiliutinik tunngaviliisunut, atorneqarnissaannik ersersitsinissaq, avatangiisinut aningaasaateqarfiup siunertaraa. Aningaasaateqarfiup siunertaanut isertitat naammangippata, § 1, imm. 2 naapertorlugu, nunatta karsianit aningaasaliisoqarsinnaavoq.

Nioqqutinut assigiinngitsunut avatangiisinut akiliuteqartarnissamut siunissami malittarisassanik akuersissuteqartoqartarnissaa, inatsimmi siunertaavoq.

Avatangiisinut pitsanngorsaasunut suliniutinut sammisaqartitsinernullu, immikkoortumittaaq avatangiisinut akiliuteqarfiusuni tapiissuteqarnissamut, avatangiisinut aningaasaateqarfiup isertitai atorneqartassapput.

§ 2, imm. 2-mi aningaasaateqarfiup aningaasaatai sunut tapiissutigineqarsinnaasutut, suliassat assigiinngitsut allattorsimapput:

1. Ikuallaavinnik eqqagassalerinernillu ullutsinnut naleqqutinngitsunik nutarsaaneq.
2. Anartarfilerissutinik amigaataasunik pissarsineq ullutsinnulluunniit naleqqutinngippata nutarsaaneq.
3. Eqqaavissuit eqqaavissuarnillu aqutsinerit iluarsaanneqarneri.
4. Biilini atorneerunnikunik isumaginninneq.
5. Suliffeqarfinni, sullissiveqarfinni, ineqarfinni nunaannarmiluunniit eqqagassalerisarneq.
6. Angallatinik qimaannakkanik isumaginninneq.
7. Aalisatikunik igitanik isumaginninneq.
8. Aalisarfiusunik piniarfiusunilluunniit eqqiluutsitsineq.

Tusarniummut akissuteqaatissatut Qeqqata Kommuniata siunnersuutaa tullinnguuttutigut aallussivoq. Inatsisissatut siunnersuummi immikkoortunik ikkussukkani, immikkoortut annertuumik aningaasartorfiusut ilanngunneqarput. Tassaallutik: 1) Ikuallaavinnik aammalu eqqagassalerinermi aaqqiissutissanik ullutsinnut naleqqutinngitsunik nutarterineq, 2) Anartarfilerisarfiit amigaatigineqartunik imaluunniit ullutsinnut naleqqutinngitsunik nutarterineq, 3) Eqqaavissuarni salineq aamma ingerlatsineq, 6) Umiarsuarnik qimatanik passussineq, 7) Aalisakkanut qassutit igitat. Immikkoortut taakku nalinginnaasumik allatigut aningaasaliiffigineqartaraluarput. Assersuutigalugu ilaannakortumik Naalackersuisunit aningaasaliiffigineqarsinnaapput. Avatangiisinut aningaasaateqarfiup ataanut inissinneqarneratigut, Naalackersuisut aningaasaateqarfiini allani sipaaruteqarnissamut periarfissiisaaq, taamaattorli aamma aningaasaateqarfiup qamutininik motorilinnik ingutserinissamut aningaasaataat atorneqartariaqaraluartunit aningaasaataajaaffiusussanngortillugu.

§ 2, imm. 2, 5) Suliffeqarfiit, sullissiviit, inissiat imaluunniit asimi eqqakkanik passussineq. Immikkoortumut tassunga pitsaasumik inatsiseqareersoq, kommunimit taakkartorneqarpoq, eqqakkallu mingutsitsisup nammineq illuutimi eqqaani katersornissaanut pisussaaffeqareersoq, Avatangiisinut aningaasaateqarfimmit katersornissaanut aninggaasaliisoqarnissaa perorsarsimarpalaanngilaq. Qamutininik motorilinnut atorsinnaajunnaarnikunut qitiusumik siunertanut aningaasat atorneqarsinnaagaluartut, aningaasaateqarfiup aningaasaataanik ilanngartuutaasussaassaaq.

§ 2, imm. 2, 8): Aalisartarfinnik piniariartarfinnillu eqqiluutsuutitsineq. Mingutsitsisup nassaariuminaattarnera patsisaalluni, tassunga aningaasanik atuisoqartareersoq kommunimit oqaatigineqarpoq. Aningaasalli annikitsuupput, Avatangiisinut aningaasaateqarfimmit tiguneqartariaqanngitsut.

§ 2, imm. 2): Allattorsimaffik ataatsimik ilaneqartariaqartoq kommunimit taakkartorneqarpoq, tassaalluni imm. 8) umiatsiaaqqat kiisalu sunngiffimmi angallatinut annerusunut mikinernullu. Avatangiisinut aningaasaateqarfiup atorneqarsinnaaneranut, angallatinut oqimaassusaannut takissusaannullu killifiliisoqartariaqarpoq. Angallatip isumagineqarnissaanut aningaasartuutissanut killiliineq naapertuuttariaqarpoq, taamaalluni angallatit koruuninut tuusintit ikittuinnaat nalinginut ingutserneqarsinnaasut kisimik aningaasaateqarfiup suliassaataasa ataaniissallutik.

Avatangiisinut aningaasaateqarfiup naatsorsuutaanik kiisalu aningaasaatit sumut atorneqartarneranut tamanut saqqummiussisarnissaq pillugu § 4, imm. 2 pillugu: Kalaallisut qallunaatullu allanneri

assigiinngissuteqarput. Kalaallisuuani allassimavoq taakku Naalakkersuisut tamanut saqqummiuttassagaat qallunaatuuanilu allassimavoq Naalakkersuisut tamanut saqqummiussinnaagaat. Oqaaseq isumaqarsinnaavoq, saqqummiutinngitsuuginnarsinnaagat. Kommuni tikkuarpaa, tamanut saqqummiussinissamut pisussaaffeqartariaqartoq.

Illumi atortunik atorpeqarsinnaajunnaarsimasunik tunniussisarnissamut, sumiiffinni tuniniaasartut peqataatinneqarsinnaaneriniq misissuisoqassasoq, kommuni siunnersuuteqarpoq. Nutaamik pajunnerminni nutaanngitsoq tigusassagaluarpaat kiisalu igitsinermi akissarsisitsineq pisorlu avissinnaagaluarpaat.

Inatsimmi immikkoortunut allattorsimaffik pingaarnersiulluni inississorsimasiaqartoq, kommunimit taakkartorneqarpoq. Immikkoortunut avatangiisitigut akitsuusikkanut/saviminikunik igitsinermut akitsuusikkanut pingaarnersiuisoqartariaqaraluarpoq. Pingaarnersiuinermi siunertanut aningaasat atorpeaqqaarsimanissaannut qulakkeerinninnissaq pingaarnersiorneqassaaq. Taamaalilluni siunertanit allanit, Naalakkersuisut atuiffiinit imaluunniit siunertanut aalajangersimasunut aningaasaateqarfinit nalinginnaasumik tapiiffigineqartartunit qaangiinnerneqassanatik.

Angallatit qimaannakkat pillugit kommuni kajumissaarutigaa, angallatit anginerusut Avatangiisinut aningaasaateqarfimmit aningaasanik pissarsissappata, tamanna atuiffimmit immikkuullarissumit pissasoq, immikkut aningaasaliiffigalugu. Taamaalilluni motorilinnik angallassissutinit aamma angallatit mikinerusunit ingutserinermi aningaasat nungukkiartorneqassanngillat. Taassuma saniatigut kommuni kajumissaarutigaa, angallatit atorsinnaajunnaarsimasut kivinikullu pillugit unammillernartuni annertuujusuni aaqqiissutissamik nassaarniarluni misiliisoqassasoq. Assersuutigalugu angallatit angilaartunut aqutsisuusunut aamma/imaluunniit piginnittuusunut sillimmasiisarnissamik pisusaaffiliineq. Kiisalu sammisami matumani ajornartorsiutaasut eqqarsaatigilluarneqassasut, taamaalilluni putusiorsinnaaneq pinngitsoortinneqarluni.

### **Atuilluartuunissakkut kingunerisinnaasai**

Allaffissornikkut atuilluartuuneruvoq, angallatinik motorilinnik il.il. igeriaannarnut piaanissamut sullissinerup piffissaa annertuumik appartinneqassasoq aammalu avatangiisinut aningaasaateqarfik oqilisaanneqarluni. Piffissami matumani biiliniq igeriaannarnik piaanermik kommuni ingerlatsivoq, aammalu avatangiisit eqqarsaatigalugit eqqortumik peerneqarnissaat pillugu suliaqarluni. Piginnittoq ilisimaneqanngippat, kommunimut aningaasartuutinngussaaq. Aammattaaq avatangiisit eqqarsaatiglugit, allaffissorpeq aningaasaqarnikkullu atuilluarneruvoq, atortussanik arlalissuarnik peersinissamut siumut akiliisoqartartuuppat.

### **Aningaasaqarnikkut allaffissornikkullu kingunerisinnaasai**

Pigisanik igiinnakkanik piginnittuanik nassaarfiusinnaanngitsunik peersinissamut aningaasartuutitut aningaasaqarnikkut allaffissornikkullu kommunimut Inatsisissatut siunnersuut oqilisaataassaaq. Piginnittoq ilisimaneqaraluarpalluunniit suliaqarfimmi tassani allaffissornartorujussuvoq.

### **Qullersaqarfiup oqaaseqaatai**

Annerusumik oqaaseqaatissaqanngilaq.

### **Allaffeqarfiup naliliinera**

Avatangiisinut aningaasaateqarfik avatangiisinut tunngasuni pisariaqartutut suliniutitullu pitsaasutut nalilerneqarpoq. Kisianni inatsit immikkoortunik taaguinermi siammassinnaavoq, tamatumani

Avatangiisinut aningaasaateqarfik atorneqarsinnaasassalluni. Siammasinnera akiliisitsisarnissamut periarfissani ukiuni aggersuni atorneqalersussaniippoq. Aamma Avatangiisinut aningaasaateqarfiup kontoanut qanoq qanorlu annertutigisumik nunatta karsia tapiissuteqarsinnaassanersoq apeqqutaassaaq.

### **Innersuussut**

Teknikkimut avatangiisinullu immikkoortortap Teknikkeqarnermut, Aatsitassarsiornermut avatangiisinullu ataatsimiititaliamut akuereqqullugu innersuussutigaa,

**Tusarniaassummut akissuteqaat akuersissutigineqassasoq**

### **Aalajangiineq**

Innersuussut akuersissutigineqarpoq.

### **Ilanngussat**

1. Uunga siunnersuut: Illuliortiternernut aningaasalersuineq pillugu Inatsisartut inatsisissaat nr. xx, xx 2017-imeersoq
2. Avatangiisinut aningaasaateqarfik pillugu Inatsisartut inatsisaannut nr. xx, xx. xxx 2018-imeersumut siunnersuummut tusarniaanermut akissutissatut siunnersuut.

**Imm. 12 Avatangiisinut tapiissutit pillugit siumoortumik akuersissutip atorunnaarsinneqarnera pillugu paasissutissiissut.**

Journalnr.

**Tunuliaqutaq**

Eqqagassalerinermit tunngatillugu suliniutinut sisamaasunut, Teknikkimut Avatangiisinullu Immikkoortoq 2017-p upernaani Namminersorlutik Oqartussanit siumoortumik akuersissummik qinnuteqarpoq. Suliniutinut tunngatillugu utertinneqarsinnaatitaasunut katillugit 980.352 koruunit qinnutigineqarput.

Eqqagassalerinermit pilersaarummik politikikkut akuerineqarsimasumik Qeqqata Kommunia nassitsinissaa, siumoortumik akuersissuteqarnissami ilaatigut piumasaqaatigineqarpoq.

Taamanani qinnuteqarnermi eqqagassalerinermit pilersaarummik nassitsisoqarsimannginnera, siumoortumillu akuersissutip atorunnaarsinnaanut ukiup qanoq ilinera naleqqutinngimmat, siumoortumik akuersissutip ukiumut missingersuusiorfisumut 2018-imut nuunneqarnissaanik Qeqqata Kommunia septembari naalersoq Namminersorlutik Oqartussanut qinnuteqarpoq.

Paasissutissiissummi matumani paasissutissiissutigineqassaaq, piffissaliussatut nalunaarutigineqarsimasooq naapertorlugu eqqagassalerinermit pilersaarut politikikkut akuersissutigineqarsimasup nassiuunneqarsimannginnera pillugu, Naalakkersuisoqarfiup siumoortumik akuersissut 2018-imut nuussinnaanagu nalunaaruteqarmat, taamaattumillu siumoortumik akuersissut atorunnaarluni. Namminersorlutik Oqartussat nalunaarutaannut tunngatillugu kommuni maalaaruteqarnissaminut sapaatip akunnerinik arfinilinnik periarfissaqarpoq. Siumoortumik akuersissutip atorunnaarsinneqarnera pillugu ilanngussaq 1 takuuk.

**Maleruagassatigut tunngavissat**

Teknikkeqarnermut, Aatsitassarsiornermut Avatangiisinullu ataatsimiititaliaq atuiffik 6-imut akisussaavoq, tassangaanniillu eqqagassalerineq ikualaavillu aningaasalersorneqarlutik, sanaartorinerillu atuiffik 7-imit aningaasalersorneqartarlutik.

**Pissutsit atuuttut**

Eqqagassalerinermit tunngatillugu avatangiisinut tapiissutissanik Qeqqata Kommunia ukiut tamaasa Namminersorlutik Oqartussanut qinnuteqartarput. Ukioq manna suliniutit tulluuttut siumoortumik akuersissuteqarfigineqarput:

- Ikuallaavimmi tigooraavimmik pitsanngorsaaneq: 795.000 kr..
- Nakkutigisamik inissiivissap pilersaarusiorneqarneranut atatillugu avataanit siunnersorteqarnissamat: 56.250 kr..
- Maniitsup nunaqarfiini uuliakumut allanullu katersuivissanut: 54.102 kr..
- Itillimi misiligummit immikkoortiterinissaq: 75.000 kr..

Suliniutinut tapiissuteqarnissami, tamakkiisumik aningaasartuutissanut kommunit namminneq 25 procentinik tapiissuteqartassasut piumasaqaataavoq.

Namminersorlutik Oqartussanit utertinneqartussaataasut:	980.352 kr..
Qeqqata Kommuniata nammineq aningaasaliissutai:	245.088 kr..
Suliniutinut sisamanut katillugit:	1.225.440 kr..

Namminersorlutik Oqartussat aningaasanik utertitsissappata eqqagassalerinermi pilersaaruteqartariaqarmat, kommunip suliniutit aallartinnikuunngilai.

#### Atuilluartuunissakkut kingunerisinnaasai

Namminersorlutik Oqartussanit tapiiffigineqarnissamik siumoortumik akuersissutit, Qeqqata Kommuniata eqqagassalerinermi suliniutaasa aningaasaliiffigineqarnissaannut qulakkeerinnittarput, soorlutaaq eqqagassalerinermi kommunip siumut isigaluni suliniutit ineriartortitsinissanut tapertaaqataasut.

#### **Aningaasaqarnikkut allaffissornikkullu kingunerisinnaasai**

**Aningaasanik tapiiffigineqarnissamat itigarneq, kommunip ingerlatsinermi missingersuutaanut sunnuteqanngilaq. Qinnuteqaat akuersissutigineqarpat kommunip eqqagassalerinermi sullissinera annertusisussaagaluarpat, itigartinneqarneratigut tamanna pinngitsuussaaq.**

Taamak annertutigisoq pineqartillugu siumut akuersissutip atorunnaarsinneqarneratigut, Sisimiuni innuttaasut, sulisut avatangiiserpullu eqqugaatinnagit eqqagassalerinermi suliniutit ukiumik ataatsimik kinguaattuussaat nalilerneqarpoq.

#### **Qullersaqarfiup oqaaseqaatai**

Annerusumik oqaaseqaatissaqanngilaq.

#### **Allaffeqarfiup naliliinera**

Teknikkeqarnermut, Aatsitassarsiornermut Avatangiisinullu ataatsimiititaliap ukioq manna arfineq-pingajussaa ataatsimiilluni decembarip tallimaani ataatsimiinnissaani eqqagassalerinermi pilersaarut akuersissutigineqassappat, Namminersorlutik Oqartussat aalajangersimanertik nalilersoqqissinnaannginneraat pillugu allaffeqarfik Namminersorlutik Oqartussanut saaffiginnissuteqassaaq, tassungami ilanngullugu eqqagassalerinermi pilersaarut politikikkut akuerineqarsimasoq ilanngullugu nassiunneqassammat. Siumoortumik akuersissutip atorunnaarsinneqarnera allanngortinneqassanngippat, 2018-imi kingumut qinnuteqassaagut.

#### **Innersuussut**

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut innersuussutigaa,

Paasissutissiisut tusaatissatut tiguneqassasoq

#### **Aalajangiineq:**

Paasissutissiisut tusaatissatut tiguneqarpoq.

#### **Ilanngussat:**

1. "Siumut akuersissutip atorunnaarsinneqarnera" pillugu Namminersorlutik Oqartussat nalunaarutaat.

### **Imm. 13 Nukissiuuteqarnermut imermillu pilersuineramik immikkoortumut pilersaarutip tusarniutigineqarneranut akissuteqaat pillugu paasissutissiineq**

Journalnr.

#### **Tunuliaqutaq**

"Nukissiuuteqarnermut imermillu pilersuineramik immikkoortumut pilersaarut", Inuussutissarsiornermut, suliffeqarnermut, niuernermit nukissiornermullu Naalakkersuisup kommuninut tusarniutigalugu nassiuppa. Nukissiuuteqarnermut imermillu pilersuineramik immikkoortumut pilersaarut 2017-imi oktobarip 27-anit, 2017-imi novembarip 13-iata tungaanut tusarniutigineqarpoq. Allaffeqarfip tusarniutigineqartumut akissuteqaataa pillugu una paasissutissiineruvoq.

Nukissiuuteqarnermut imermillu pilersuineramik immikkoortumut pilersaarut, Immikkoortumut pilersaarut manna 2030-p tungaanut pisortat nukissiuuteqarnermik imermillu pilersuinerannut Naalakkersuisut suliarisaannut pingaarnersiugaannullu pingaarnertut ingerlatassanik inissiiniarpoq. Nukissiuuteqarnermik aaqqissuusseqqinneq sammisanik pingaarnernik pingasunik imaqarpoq, tassaasut: Innaallagissap erngullu akii appasinnerit. Periarfissaqarfiani sumi tamarmi nukissiuuteqarneq minguitsoq. Nukissiuuteqarnermik aaqqissuusamik nutarsaaneq.

#### Maleruagassatigut tunngavissat

Nukissamik pilersuineq pillugu Inatsisartut peqqussutaat nr. 14, 6. november 1997-imeersoq.

#### **Pissutsit atuuttut**

**Nalinginnaasumik tusarniutigineqartunut akissuteqarnissamut piffissarititaasoq minnerpaamik sapaatip akunnerit sisamatinniarneqaraluartoq, tusarniutigineqartumut akissuteqarnissamut periarfissaq sapaatip akunneri marluinnaanikuupput.**

Nukissiuuteqarnermut imermillu pilersuineramik immikkoortumut pilersaarut Namminersorlutik Oqartussat nassiuppaat. Immikkoortumut pilersaarummi sammisat pingaarnertut pingasut, tamarmik anguniagalersuiffigineqarsimapput. Pingaarnertut sammisami siullermi "Innaallagissap erngullu akii appasinnerit" pillugit Naalakkersuisut takorluugaraat, Kalaallit Nunaanni innaallagissamut imermullu akigititat, illoqarfimmiikkaanni nunaqarfimmiikkaanniluunniit assigiissasut. Appasinnerusumik akigititaqarnissamik takorluukkap naammassineqarnissaanut akigititassap aalajangersarneqarnissaani, akigititat appasinnerusut pillugit sammisami, innaallagissamut imermullu akigititassanut Naalakkersuisut innersuussutigisaannut paasissutissat naatsorsuinerillu aallaavissatut ilanngunneqarput. Immikkoortumut pilersaarummi akigititassatut siunnersuutit arfineq-pingasup, Naalakkersuisullu akigititassatut siunnersuut 1 innersuussutigalugu. Qeqqata Kommuniata tusarniutigineqartumut akissuteqaatimini oqaatigaa, akigititassatut siunnersuutigineqartunit toqqaanissamit eqqortumik toqqaasoqarsimasoq, akigititassatummi siunnersuutigineqartumi 1-imut paasissutissat katersorneqarsimasut naatsorsuisimanermillu naleqqunnerpaatut isikkoqarmata.

Immikkoortumi "Periarfissaqarfiani sumi tamarmi nukissiuuteqarneq minguitsoq"-mi, pingaartumik innaallagissamik pilersuinerami uuliamik ingerlatillit atornagit ataavartumik nukissiuutinik Naalakkersuisut atuiniarnerat pingaarnepaavoq. Tamanna ilaatigut Igalikumi seqinisaatinik, anorisaatinik il.il. misileraalluni misilittakkat atuutsilersinneqarneritigut pissaaq. Tamatuma saniatigut Kalaallit Nunaanni erngup nukinganik nukissiuutinit innaallagissamik pilersuisoqarnerulernissaa anguniarneqarniarpoq.

Sumiiffinni erngup nukinganik nukissiorfimmit innaallagissamik pilersuineq killieqartillugu, matumani Sisimiut ilanngullugu, pilersuinerup sapinngissamik ullumikkornit killeqannginnissaa anguniarneqarpoq. Matumani aamma Maniitsoq erngup nukinganik pilersuiffissamik pilersitsivissaqqissoq

40



eqqaaneqarpoq.

Innaallagissamik pilersuinermit tunngatillugu aamma illoqarfiit annerit akornanni innaallagissap aqputaa atalersineqassasut siunnersuutigineqarpoq. Nuumminngaanniit Paamiunut, Maniitsumut Sisimiunullu sarfap aqputaanik pilersitsinissaq assersuusiorneqarpoq, taamaalilluni erngup nukinganik nukissiuuteqarfimmit sipporlugu pilersuisinnaasumit illoqarfiit taakku pilersorneqarsinnaalersillugit.

Immikkoortumi tassani aamma pingaartumik avataanit kissamik pilersuinermi eqqakkat atorluarneqarsinnaakutsoortut eqqaaneqarpoq. Matumani ikuallaavimmi pujoq (røggas) iluaqutigalugu ikuallaavik imminnermini innaallagissamik pilersuisussanngortinneqarsinnaavoq. Tassunga ilanngullugu eqqarsaatigineqarpoq, avataanit kissamik pilersuinermi ikuallaavik atorluarnerujumallugu aqputit pitsannvorsarneqassasut.

Biilit innaallagissamik ingerlatillit, taakkunungalu 'immiissutit' Nuummi misilerarneqarnikuupput. Tusarniutigineqartumut akissuteqarnermi, misileraaneq tamanna Qeqqatami misilerarneqarsinnaakutsooraluartoq oqaatigineqarpoq.

Immikkoortumi 'Nukissiuuteqarnermik aaqqissuussamik nutarsaaneq'-mi, naqitsineq atorlugu imermik pilersuineq annertusarneqassasooq anguniarneqarpoq, taamaalilluni sapinngisamik illut amerlanerpaartaat kuinnartumik imeqalersillugit, taamaalillunilu perusuersartarfiit erngup aqputaanut/tankimut aamma attaveqarlutik.

Taamaakkaluartoq naqitsineq atorlugu imermik pilersuinermi periarfissaatillugu kuuffissuarnut attaveqarnissamik imaluunniit tankeqarnissamik piumasaqaateqassasooq kommunip akissuteqaatimi oqaatigaa.

Erngup imigassap illersorneqarnissaa pillugu paasisitsiniaaneq annertusarneqassasooq immikkoortumut pilersaarutitigut uparuarneqarpoq, tamannalu kommunip tusarniutigineqartumut akissuteqaatimi isumaqatigalugu. Tassunga tunngatillugu Qeqqata Kommuniata erseqqissaatigaa, siunissami imermik pilersuinissami illoqarfiit ineriartortinneqarnerat eqqarsaatigineqassasooq, soorluttaaq sumiiffiit ineriartortitsinissaminnik periarfissanillu atuerusunerat eqqarsaatigineqassasut.

#### Atuilluartuunissakkut kingunerisinnaasai

Eqqakkat, eqqakkanillu ikuallaasarneq nukinnik atorluagassatut oqaatigineqarnerat, avammullu kissamik pilersuinermi atorluarneqartussatut oqaatigineqarnerat atuilluarneruvoq. Tassunga ilanngullugu uuliamik ingerlatillit atornagit minguitsumik nukissiuuteqarnissap anguniarneqarnera atuilluarneruvoq.

Aalisakkeriveqarneq aatsitassalerinerlu eqqarsaatigalugit, akigititassat appasissut, innaallagissamillu pilersuinerup killeqanngitsumik ingerlanissaanik takorluugaqarneq atuilluarneruvoq.

#### **Aningaasaqarnikkut allaffissornikkullu kingunerisinnaasai**

Nukissiuuteqarnermut imermillu pilersuinermik immikkoortumut pilersaarut, nukissiuuteqarnermut imermillu pilersuinerup aaqqissuuteqqinneqarnissaani annertoorejussuuvoq. Ajunngitsumik siunertallit arlaqarput, Naalakkersuisulli aaqqiissuteqarnissaminnut suut suliniutigeqqinniarneraat ersarissumik allassimangilaq. Taamaakkaluartoq eqqakkanik ikuallaanermi periarfissanik ujartuisussanik, kissamillu sinneruttumik atuilluarnissanik periarfissanik misissuisussanik suleqatigiissitamik pilersitsisoqassasooq Immikkoortumut pilersaarutitigut pilersaarutigineqarpoq, tamannalu kommunimit tigulluarneqarluni. Kissamik pilersuinissaq pillugu Qeqqata Kommunია Sisimiuni Nukissiorfimmik suleqatigiinnissamik isumaqatigiissut 2016-imi atsiortaat, taannalu suleqatigiissitap suliamik ingerlatsinissaanut aallaaviulluarsinnaalluni.

Nukissiuuteqarnikkut imermillu pilersuinissamik takorluukkat 2030-ip tungaanut piviusunngussanersut, illoqarfinilu aaqqiissutissat suut atorneqassanersut ersarluppoq. Taamaakkaluartoq innaallagissamut

akigititaq naapertuuttunngorsarneqarluni 1,60 kr/kWh-inik akeqassasoq aalajangersarneqareerpoq, imerlu 19 kr/m<sup>3</sup>-inik akeqalissalluni. Taakku 2018-imi januaarip aallaqqaataani atuutilissapput.

### **Qullersaqarfiup oqaaseqaatai**

Annerusumik oqaaseqaatissaqanngilaq.

### **Allaffeqarfiup naliliinera**

Nukissiuuteqarnermut imermillu pilersuineramik immikkoortumut pilersaarut, kommunip innaallagissamut akiliuteqartarneranut siullermik annikinnerusumik sipaarutaassasoq nalilerneqarpoq. Kommunip nalinginnaasumik imermik annikitsumik atuisarnera eqqarsaatigalugu, imermut akigititap apparnera annerusumik sunniuteqassanersoq nalunarpoq. Nunaqarfiit annerusumik sipaaruteqassasut nalilerneqarpoq, nunaqarfinili annertuumik atuisoqarneq ajormat, tamanna kommunip missingersuutaanut annerusumik sunniuteqassangatinneqanngilaq.

### **Innersuussut**

Teknikkimut Avatangiisinullu immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut akuereqqullugu innersuussutigaa,

Tusarniummut akissuteqaat tusaatissatut tiguneqassasoq.

### **Aalajangiineq:**

Tusarniummut akussuteqaat tusaatissatut tiguneqarpoq.

### **Ilanngussat:**

1. Nukissiuuteqarnermut imermillu pilersuineramik immikkoortumut pilersaarut
2. Qeqqata Kommuniata tusarniummut akissuteqaataa

**Imm.14 2018-imi Teknikkeqarnermut Aatsitassarsiornermut Avatangiisinullu Ataatsimiititaliap  
ataatsimiiffissaanik aalajangersaaneq**

Journalnr. 01.02.02

**Tunuliaqutaq**

Teknikkeqarnermut Aatsitassarsiornermut Avatangiisinullu ataatsimiititaliap 2018-imi  
ataatsimiittarfissaat aalajangersarneqartariaqarput.

Maleruagassatigut tunngavissat

Tamanna pillugu aqutsinermi ileqqoreqqusami aalajangersakkat.

Allaffeqarfiup naliliinera

Kommunalbestyrelsip kiisalu aningaasaqarnermut ataatsimiititaliap ataatsimiiffissaannut  
naapertuussarneqarnikuullutik ataatsimiiffissatut takussusiorneqartut aalajangiusimaneqassasut  
innersuussutigineqarpoq.

Allamik nalunaartoqarsimatinnagu ataatsimiinnerit tamarmik nal 08:30 aallartittassapput oqarasuaa-  
tikku/videokonferenciluunniit atorlugu ingerlanneqartassallutik.

**Innersuussut**

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut  
innersuussutigaa,

Tullinnguuttutut ataatsimiiffissat Teknikkeqarnermut Aatsitassarsiornermut Avatangiisinullu  
ataatsimiititaliap akuersissutigissagai.

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 05-ani  
2017 ileqquusumik ataatsimiinnerani imaqarniliaq 08/2017**

<b>Teknikkeqarnermut Aatsitassarsiornermut Avatangiisinullu ataatsimiititaliaq</b>	<b>Aningaasaqarnermut ataatsimiititaliaq</b>	<b>Kommunalbestyrelsi</b>
<b>06. februar</b>	13. februar	22. februar – Sisimiut
<b>06. marts</b>	13. marts	
	17. april	26. april – Godkendelse af regnskab 2017
<b>08. maj</b>	15. maj	24. maj
<b>05. juni</b>	12. juni	
<b>07. august</b>	14. august	23. august – Maniitsoq
<b>11. september</b>	18. september – 2019-imut missingersuutit siullermeeneri	27. september - 2019-imut missingersuutit siullermeeneri
	16. oktober – 2019-imut missingersuutit aappassanneeneri	25. oktober - 2019-imut missingersuutit aappassanneeneri
<b>06. november</b>	13. november	22. november
<b>04. december</b>	11. december	
		<b>Pisussat allat</b>
		20.-22. august – 2019-imut missingersuutit pillugit isumasioqatigiinneq. Maniitsoq

**Aalajangiineq**

Akuersissutigineqarpoq.

**Ilanngussaq**

Ilanngussaqanngilaq.

**Imm.15 Tamalaat.**

**Malene Ingemann.**

Amutsiviup talittarfiani angallatit angisuut talinngaannartut qanoq iliuuseqarfineqssanersut aammalu kikkut akisussaasuunersut apeqqutigivaa.

**Hans Ulrik Skifte.**

Apeqqutigineqartoq havneråde-mut ingerlatinneqassaaq.

**Frederik Olsen.**

Sisimuni ikuallaaveqarnerup inissisimanera.  
Immikkoortumi 10-mi sammineqarpoq.

**Sofie Dorte Olsen.**

Maniitsumi oqaluffiup eqqaata aputaajartarneranik paasiniaavoq.

**Ole Thor.**

Oqaluffiup eqqaata aputaajartarnera ilisisoqalertillugu soorunami aputaajarneqartassaaq.

**Emilie Olsen.**

Sisimiuni Pisiffiup eqqaaniik Grønlandsbanke-p tungaanut angallanneq ulorianarpallaaqimmat susasaqartunut misissorneqarnissaa kissaatigivaa.

Ataatsimiinneq naavoq nal. 11.29